



SLUŽBENE ZENIČKO- DOBOJSKOG NOVINE KANTONA

Godina X - Broj 7

ZENICA, Petak, 15. 07. 2005. g.

169

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona na XXXI sjednici održanoj dana 03.06.2005. godine, d o n o s i

ZAKON

o izmjenama i dopunama Zakona o Vladi Zeničko-dobojskog kantona

Članak 1.

Članak 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00) mijenja se i glasi:

Članak 2.

Premijer Kantona, ministri i Vlada Kantona u cijelosti za svoj rad odgovorni su Skupštini Kantona.

Ministri su odgovorni i Premijeru Kantona, sukladno sa Ustavom i ovim zakonom.

Članak 2.

U članku 3. stavak 1. mijenja se i glasi:

"Premijer Kantona predstavlja i zastupa Kanton".

Članak 3.

Članak 6. mijenja se i glasi:

Članak 6.

Vladu čine: Premijer Kantona i 10 ministara.

Vladu Kantona potvrđuje Skupština Kantona većinom glasova.

Vlada Kantona odražava nacionalnu strukturu Kantona prema popisu stanovništva iz 1991. godine.

Vlada Kantona se sastoji od sedam članova iz reda bošnjačkog, dva člana iz reda hrvatskog i dva člana iz reda srpskog naroda.

Članak 4.

Članak 7. mijenja se i glasi:

Članak 7.

Premijer Kantona i ministri, nakon potvrđivanja imenovanja od strane Skupštine Kantona, daju svečanu izjavu pred Predsjedavajućim Skupštine Kantona.

Tekst svečane izjave glasi: "Svečano izjavljujem da ću pouzdanu dužnost obavljati sačesto, pridržavati se Ustava Bosne i Hercegovine, Ustava Federacije Bosne i Hercegovine, Ustava Zeničko-dobojskog kantona i zakona, zalagati se za ljudska prava i slobode i da ću u svim prilikama štitići interese Bosne i Hercegovine, Federacije Bosne i Hercegovine i Zeničko-dobojskog kantona i ravnopravnosti naroda i građana".

Članak 5.

Članak 8. mijenja se i glasi:

Članak 8.

Vlada postavlja i razrješava Sekretara Vlade, na prijedlog Premijera Kantona, a sukladno sa Zakonom o državnoj službi u Federaciji Bosne i Hercegovine ("Službene novine Federacije BiH", br. 29/03. 23/04 i 39/04).

Sekretar Vlade odgovara za svoj rad Vladi i Premijeru Kantona.

Sekretar Vlade ima status rukovoditelja samostalne kantonalne uprave, odnosno samostalne ustanove.

Članak 6.

U poglavlju III riječ "PREDSJEDNIKA" mijenja se riječju "PREMIJERA".

Članak 7.

Članak 9. mijenja se i glasi:

Članak 9.

Premijer Kantona predsjedava sjednicama Vlade i rukovodi radom Vlade, odgovoran je za njen rad, osigurava jedinstvo u izvršavanju poslova iz djelokruga Vlade, osigurava suradnju sa drugim organima Kantona, organima BiH, Federacije BiH, sa organima općine (ili sa drugim državnim tijelima), organima međunarodne zajednice, kao i sa drugim institucijama ili pravnim licima i usmjerava djelovanje Vlade kao cjeline i članova Vlade pojedinačno, te vrši i druge poslove utvrđene Ustavom Kantona.

Premijer potpisuje akte Vlade Kantona.

Članak 8.

Iza članka 9. dodaje se novi članak 9a. koji glasi:

Članak 9a.

Premijer Kantona donosi odluku o smjeni ministra, ukoliko se ministar u izvršavanju svojih obaveza i

ovlaštenja ne pridržava politike koju je utvrdila Skupština Kantona i smjernica Skupštine Kantona, kao i uputstava i smjernica Vlade Kantona, ako u okviru svojih mjerodavnosti ne osigurava provođenje zakona i drugih propisa ili ako iz drugih razloga postane nedostojan vršenja funkcije.

Odluka o smjeni ministra je konačna kada je potvrdi Skupština Kantona.

U slučaju da je mjesto ministra ostalo upražnjeno, Premijer Kantona će ovlastiti lica koje će rukovoditi ministarstvom sukladno sa zakonom, do okončanja procedure izbora novog ministra, a najduže tri mjeseca.

Članak 9.

Članak 10. mijenja se i glasi:

Članak 10.

U slučaju privremene sprječenosti Premijera Kantona, Vladom predsjedava član Vlade koga pismenim aktom odredi Premijer Kantona.

U slučaju kada Premijer Kantona nije u mogućnosti odrediti člana Vlade koji će ga zamjenjivati, kao i u slučaju upražnjenja mjesta Premijera Kantona, dok novi Premijer ne preuzme dužnost, predsjedavajući Skupštine, uz konsultaciju oba zamjenika predsjedavajućeg Skupštine, odredit će jednog od članova Vlade koji će obavljati dužnost Premijera Kantona.

Članak 10.

Iza članka 11. dodaje se novi članak 11a. koji glasi:

Članak 11a.

U slučaju privremene sprječenosti ministra u obavljanju njegovih ovlasti i obaveza, mijenja ga rukovodeći službenik koga pismenim aktom odredi ministar, bez prava glasa na sjednicama Vlade.

Članak 11.

U članku 12. iza stavka 2. dodaje se stavak 3. koji glasi:

Vlada ne može odlučivati ako sjednici prisustvuju članovi Vlade iz samo jednog konstitutivnog naroda.

Stavak 3. postaje stavak 4. i glasi:

Vlada odlučuje većinom glasova prisutnih članova.

Članak 12.

Iza članka 14. dodaje se novi članak 14a. koji glasi:

Članak 14a.

Vlada Kantona donijet će Poslovnik o svome radu u roku od 30 dana od svoga konstituiranja, koji će, pored ostalog, urediti postupak i način zakazivanja sjednice Vlade Kantona, postupak i formu prethodnog razmatranja materijala, utvrđivanje prijedloga i zaključaka, način jednakopravne upotrebe jezika i pisma konstitutivnih naroda u pripremi i izradi pisanih materijala, način izvršenja zaključaka, prenošenje ovlaštenja i zaduženja, i druga poslovnička pitanja.

Pojedina pitanja iz stavka 1. ovog članka, ukoliko nisu utvrđena Poslovnikom Vlade Kantona, uređuju se zaključkom Vlade Kantona.

Članak 13.

U članku 20. stavak 2. mijenja se i glasi:

Radom Sekretarijata za zakonodavstvo rukovodi Sekretar koga postavlja i razrješava Vlada, na prijedlog Premijera Kantona, a sukladno sa Zakonom o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04 i 39/04).

Iza stavka 2. Istog članka dodaje se novi stavak 3. koji glasi:

Sekretar Sekretarijata za zakonodavstvo ima status rukovoditelja samostalne kantonalne uprave, odnosno samostalne ustanove.

Dosadašnji stavak 3. postaje stavak 4.

Članak 14.

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o Vladi Zeničko-dobojskog kantona.

Članak 15.

Zakon stupa na snagu osmog dana od dana objavljivanja u "Službenim novinama Zeničko-dobojskog Kantona".

Broj: 01-02-17730/05

PREDSJEDAVALJUĆI

Zenica, 06.06.2005. godine

Besim Spahić, s.r.

170

Na temelju članka 37. točka f) Ustava Zeničko-dobojskog kantona, Skupština Zeničko-dobojskog kantona, na XXX sjednici, održanoj 03.06.2005. godine, d o n o s i

ODLUKU

o pravu Vlade Zeničko-dobojskog kantona da odlučuje o pojedinačnim zahtjevima korisnika kredita za privredni razvoj i zapošljavanje dodijeljenih iz sredstava ostvarenih prodajom preduzeća na području Zeničko-dobojskog kantona u pogledu produženja roka otplate kredita

Članak 1.

Ovom odlukom utvrđuju se prava Vlade Zeničko-dobojskog kantona da odlučuje o pojedinačnim zahtjevima korisnika kredita za privredni razvoj i zapošljavanje, dodijeljenih iz sredstava ostvarenih prodajom preduzeća na području Zeničko-dobojskog kantona, u pogledu produženja roka otplate kredita 1/III grace perioda.

Članak 2.

Vlada, o opravdanosti produženja roka otplate kredita 1/III grace perioda odlučuje na temelju sljedećih elemenata:

- zahtjeva korisnika kredita u kojem je navedeno detaljno obrazloženje razloga za izmjenu uvjeta

u pogledu roka otplate kredita i/ili grace perioda;

- mišljenja, odnosno odluke banke o mogućnosti produženja roka otplate kredita i/ili grace perioda, na bazi ocjene boniteta korisnika kredita i prezentiranih budućih ugovorenih poslova.

Članak 3.

Prijem i obradu zahtjeva za produženje roka otplate kredita i/ili grace perioda, vršit će Stručna služba Vlade kantona.

Članak 4.

Ova odluka stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-14-17731/05

PREDSJEDAVAJUĆI

Zenica, 06.06.2005. godine

Besim Spahić, s.r.

171

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na XXX sjednici, održanoj 03.06.2005. godine, d o n o s i

ODLUKU

o prestanku važenja Odluke o dodjeli stambenih kredita

Članak 1.

Ovom odlukom prestaje da važi Odluka o dodjeli stambenih kredita («Službene novine Zeničko-dobojskog kantona», broj 10/03).

Članak 2.

Odluka stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-14-17733/05

PREDSJEDAVAJUĆI

Zenica, 06.06.2005. godine

Besim Spahić, s.r.

172

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na XXX sjednici, održanoj 03.06.2005. godine, d o n o s i

ODLUKU

o prestanku važenja Odluke o korištenju novčanih sredstava ostvarenih od povrata sredstava plasiranih u vidu kredita iz sredstava ostvarenih prodajom državnog kapitala na području Zeničko-dobojskog kantona

Članak 1.

Ovom odlukom prestaje da važi Odluka o korištenju novčanih sredstava ostvarenih od povrata sredstava plasiranih u vidu kredita iz sredstava

ostvarenih prodajom državnog kapitala na području Zeničko-dobojskog kantona («Službene novine Zeničko-dobojskog kantona», broj 4/04).

Članak 2.

Odluka stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-14-17734/05

PR EDSJEDAVAJUĆI

Zenica, 06.06.2005. godine

Besim Spahić, s.r.

173

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na XXX sjednici, održanoj 03.06.2005. godine, d o n o s i

ODLUKU

o prestanku važenja Odluke o kreditiranju privrednog razvoja i zapošljavanja

Članak 1.

Ovom odlukom prestaje da važi Odluka o kreditiranju privrednog razvoja i zapošljavanja («Službene novine Zeničko-dobojskog kantona», broj 10/03).

Članak 2.

Odluka stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-14-17761/05

PREDSJEDAVAJUĆI

Zenica, 06.06.2005. godine

Besim Spahić, s.r.

174

Na temelju članka 37. točka f) Ustava Zeničko-dobojskog kantona, Skupština Zeničko-dobojskog kantona, na XXX sjednici, održanoj 03.06.2005. godine, donosi

ODLUKU

o osnivanju Osnovne škole "Arnauti" u Arnautima kao javne ustanove u državnoj svojini

Članak 1.

Zeničko-dobojski kanton (u daljem tekstu: osnivač) osniva Osnovnu školu "Arnauti" u Arnautima, u Zenici (u daljem tekstu: škola).

Škola je pravni sljedbenik Područne škole u Arnautima registrirane kao dio Osnovne škole "Hamza Humo", Bahino, u Zenici, upisane kod Kantonalnog suda Zenica u registarskom ulošku broj: U/I-67/98.

Škola je javna ustanova u državnoj svojini sa svojstvom pravnog lica.

Članak 2.

Naziv škole je: Osnovna škola "Arnauti" u Arnautima.

Škola može promijeniti naziv uz suglasnost osnivača.

Odluka o promjeni naziva donosi se uz suglasnost osnivača na način propisan Pravilima škole.

Članak 3.

Sjedište škole je u Arnautima.

Škola može promijeniti sjedište uz suglasnost osnivača.

Odluka o promjeni sjedišta škole donosi se na način utvrđen Pravilima škole.

Članak 4.

Djelatnost škole je osnovno školsko obrazovanje u trajanju od 9 godina: 80102.

Osnivač može proširiti i promijeniti djelatnost škole sukladno sa zakonom.

Članak 5.

Osnivač škole obezbjeđuje uslove za rad škole sukladno sa Pedagoškim standardima i Normativima školskog prostora i opreme.

Sredstva za redovnu djelatnost škole, obezbjeđuju se iz Budžeta Zeničko-dobojskog kantona, naknade za obavljene usluge i iz drugih izvora pod uslovima utvrđenim zakonom.

Članak 6.

Osnivač je suglasan da škola preuzme objekat i pripadajuću opremu dosadašnje Područne škole u Arnautima koju sačinjavaju: devet učionica, kabinet, zbornica, sala za tjelesni odgoj, dvije svlačionice, prostorija za nastavnike, tri ostave, biblioteka, dvije kancelarije, sedam nus prostorija, ukupne unutarnje površine 1.500 m², te vanjskog prostora dvorišta škole, ukupne površine 4.660 m².

Školi pripada i područno odjeljenje u Radinovićima čija se imovina sastoji od: dvije učionice, zbornice, dvije nus prostorije, (zgrade škole ustupljene od MZ Radinović), ukupne unutarnje površine 100 m², kao i vanjske površine cca 300 m².

Članak 7.

Škola ima organ upravljanja, Školski odbor (u daljem tekstu: Odbor), čiji su sastav, imenovanje i nadležnost utvrđeni Zakonom o osnovnoj školi (u daljem tekstu: Zakon) i organ rukovođenja, direktora škole, kojem su imenovanje i nadležnost utvrđeni Zakonom, a sva ova pitanja će se bliže urediti Pravilima škole.

Članak 8.

Škola u pravnom prometu zaključuje ugovore i vrši druge poslove i radnje u okviru svoje poslovne sposobnosti i djelatnosti koju obavlja.

Škola ima potpunu odgovornost i odgovara za svoje obaveze sredstvima kojima raspolaže. Osnivač ne odgovara za obaveze škole.

Članak 9.

Škola ima svoje pečate sukladno sa Zakonom o pečatu i pravilima škole

Članak 10.

Odbor škole dužan je u roku od 60 dana od dana imenovanja donijeti pravila škole sukladno sa

Zakonom i ovom odlukom, kao i da bliže uredi statusna pitanja zaposlenika škole sukladno sa Zakonom.

Članak 11.

Do imenovanja ravnatelja škole, školu će predstavljati i zastupati vršitelj dužnosti ravnatelja, koga će rješenjem imenovati Odbor, uz prethodno pribavljenu suglasnost Ministarstva za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo).

Obaveze ravnatelja, odnosno vršitelja dužnosti ravnatelja, je da izvrši upis škole u Sudski registar i da organizira rad škole sukladno sa zakonom i ovom odlukom.

Članak 12.

Ova odluka predstavlja osnivački akt na temelju kojeg će se izvršiti upis škole u Sudski registar i Registar osnovnih škola, koji vodi Ministarstvo.

Članak 13.

Ova odluka stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjivat će se počev od školske 2005/06. godine.

Broj: 01-05-17735/05

PREDSJEDAVAJUĆI

Zenica, 06.06.2005. godine

Besim Spahić, s.r.

175

Na temelju članka 35 Poslovnika o radu Skupštine Zeničko-dobojskog kantona - Prečišćen tekst ("Službene novine Zeničko-dobojskog kantona" broj:11/00), a u vezi sa člankom 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03), i članka 30. Zakona o unutarnjim poslovima Zeničko-dobojskog kantona-Prečišćen tekst ("Službene novine Zeničko-dobojskog kantona" broj:15/04), Komisija za izbor i imenovanja Skupštine Zeničko-dobojskog kantona, o b j a v l j u j e

PONOVNI OGLAS

za imenovanje jednog članka Nezavisnog odbora za izbor i reviziju iz reda građana

Zakonom o unutarnjim poslovima Zeničko-dobojskog kantona ustanovljen je Nezavisni odbor za izbor i reviziju i utvrđen organ koji ga bira, (u daljem tekstu: Nezavisni odbor).

Nezavisni odbor sastoji se od sedam članova: dva predstavnika Ministarstva unutarnjih poslova i pet članova iz reda građana.

Mandat Nezavisnog odbora je četiri godine. Članakovi Nezavisnog odbora su izabrani 17.07. 2002. godine, a mandat novozabranog članka Nezavisnog odbora će trajati do isteka mandata postojećeg Nezavisnog odbora.

U procesu imenovanja i smjene policijskog komesara Nezavisni odbor:

1. raspisuje javni natječaj
2. razmatra prispele prijave;
3. vrši selekciju i odabir odgovarajućih kandidata;
4. predlaže kandidata za policijskog komesara ministru;
5. razmatra sve žalbe na rad policijskog komesara uključujući i žalbe građana;
6. razmatra prijedloge Skupštine, Vlade ili ministra o smjeni policijskog komesara;
7. predlaže smjenu policijskog komesara u slučaju ispunjenja sljedećih uslova:
 - a) dokazanog krivičnog djela ili teškog disciplinskog prekršaja;
 - b) primjene članka 75. Zakona o unutarnjim poslovima;
 - c) izdavanja od IPTF-a izvještaja o nepridržavanju dogovorenih pravila;
8. ocjenjuje cjelokupan rad policijskog komesara u slučaju ponovnog imenovanja za drugi mandat.

Način rada Nezavisnog odbora propisan je Poslovnikom o radu. Članovi Nezavisnog odbora imaju naknadu za rad u Nezavisnom odboru, utvrđenu Zaključkom Administrativne komisije Skupštine Zeničko-dobojskog kantona, o visini naknade članovima Nezavisnog odbora, od 27.01.2005. godine, u iznosu od 100,00 KM mjesečno i pravo na naknadu za troškove prevoza za svaki dolazak na zasjedanje Nezavisnog odbora u iznosu od 20% od cijene litra goriva po predenom kilometru.

Kandidati moraju ispunjavati sljedeće:

1. Opće uslove:

- da su stariji od 18 godina;
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije objavljivanja upražnjene pozicije;
- da se na njih ne odnosi članak IX 1. Ustava Bosne i Hercegovine.

2. Posebne uvjete:

- da imaju visoku stručnu spremu;
- da su ugledni stručnjaci iz oblasti pravnih i kriminalističkih nauka i ljudskih prava;
- da nisu članovi političke stranke;
- da nisu trenutno, ili da nisu bili na bilo kojoj poziciji u političkoj stranci na bilo kojem nivou;
- da nisu postavljeni na bilo koju poziciju od strane političke stranke;
- da nisu izabrani zvaničnici, nositelji izvršnih funkcija ili savjetnici glede Zakona o sukobu interesa u institucijama vlasti BiH ("Službeni glasnik BiH", broj:16/02);

-da ne postoji izvještaj o nesaradnji izdat od strane Međunarodnih policijskih snaga;

-da nisu osuđivani za krivična djela i privredne prestupe i da se protiv njih ne vodi krivični postupak.

Po pozivu Komisije kandidati su dužni dostaviti podatke o ranijim rukovoditeljima od kojih će Komisija tražiti informacije i preporuke o kandidatima.

Sa kandidatima koji budu stavljeni na listu užeg izbora Komisija će obaviti intervju.

Prijave kandidata treba da sadrže kraću biografiju, adresu i kontakt telefon ili fax.

U svrhu dokazivanja općih i posebnih uslova kandidati su dužni uz prijavu podnijeti sljedeće dokaze:

- diplomu;
- uvjerenje izdato od nadležnog suda da nisu osuđivani i da se protiv njih ne vodi krivični postupak
- ovjerenu izjavu za uslove iz alineje 2. i 3. općih uslova i alineje 3; 4; 5; 6. i 7. posebnih uslova.

Oglas ostaje otvoren 14 (četnaest) dana od dana objavljivanja u "Službenim novinama FBiH," "Službenim novinama Zeničko-dobojskog kantona" i dnevnom listu "Dnevni avaz."

Prijave se dostavljaju lično ili preporučenom poštom sa naznakom "prijava na oglas - ne otvara" na adresu:

Zeničko-dobojski kanton - Skupština - Komisija za izbor i imenovanja, Ulica Kučuković broj 2, Zenica.

Neblagovremene i nepotpune prijave neće biti uzete u razmatranje.

Broj:01-34-2173-1/05

SEKRETAR

Zenica, 25.04.2005. godine

Emina Sinanović, s.r.

176

Na temelju članka 50. stavak 9. Zakona o zdravstvenoj zaštiti ("Službene novine Federacije Bosne i Hercegovine", broj 29/97) i članka 16. stavak 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00). Vlada Zeničko-dobojskog kantona, na prijedlog Ministarstva zdravstva, na 72. sjednici, održanoj 18.05.2005. godine, d o n o s i

ODLUKU

o visini naknada predsjednicima i članovima upravnih odbora kantonalnih zdravstvenih ustanova i Kantonalnog zavoda zdravstvenog osiguranja

Članak 1.

Utvrđuje se naknada za rad u upravnim odborima kantonalnih zdravstvenih ustanova i Upravnom odboru Kantonalnog zavoda zdravstvenog osiguranja i to:

- predsjedniku Upravnog odbora Kantonalne bolnice Zenica i Kantonalnog zavoda zdravstvenog osiguranja po 300 KM (slovima: tri stotine

konvertibilnih maraka) mjesečno, a članovima tih upravnih odbora po 250 KM (slovima: dvije stotine pedeset konvertibilnih maraka) mjesečno;

- predsjedniku Upravnog odbora Kantonalnog zavoda za medicinu rada i Kantonalnog zavoda za javno zdravstvo po 250 KM (slovima: dvije stotine pedeset konvertibilnih maraka) mjesečno, a članovima upravnih odbora tih zdravstvenih ustanova po 200 KM (slovima: dvije stotine konvertibilnih maraka) mjesečno.

Članak 2.

Stupanjem na snagu ove odluke prestaje primjena Odluka Vlade Zeničko-dobojskog kantona broj: 02-14-9926/02 i 02-14-9927/02, od 08.05.2002. godine, o naknadama za rad u upravnim odborima zdravstvenih ustanova u Zeničko-dobojskom kantonu i Kantonalnom zavodu zdravstvenog osiguranja.

Članak 3.

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-14-15637/05

PREMIJER

Zenica, 18.05.2005. godine

Nedžad Polić, s.r.

177

Na temelju članka 8. i 11. Zakona o koncesijama ("Službene novine Zeničko-dobojskog kantona", broj 5/03) i članka 16. stavak 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00), Vlada Zeničko-dobojskog kantona, na prijedlog Ministarstva za privredu, na 72. sjednici, održanoj 18.05.2005. godine, donosi

ODLUKU

I

Privrednom društvu "NBI ČURIĆ" d.o.o. Žepče dodjeljuje se koncesija za eksploataciju mineralnog resursa - krečnjaka na ležištu Bukovik, u općini Žepče.

II

Eksploatacioni prostor ležišta je ograničen graničnim linijama i koordinatama prijelomnih točaka kako slijedi:

Tačka	Y	X
A	6 503 490	4 918 595
B	6 503 632	4 918 650
C	6 503 691	4 918 607
D	6 503 748	4 918 607
E	6 503 772	4 918 674
F	6 503 660	4 918 825

G	6 503 563	4 918 880
H	6 530 433	4 918 880
J	6 503 418	4 918 656
A	6 503 490	4 918 595

Ukupna površina eksploatacionog prostora je cca 7,20 ha sa mogućnošću proširenja shodno važećim zakonima i propisima.

III

Vrijeme koncesije za eksploataciju je 25 godina od dana izdavanja dozvole za eksploataciju.

IV

Privredno društvo "NBI ČURIĆ" d.o.o. je od dana izdavanja dozvole za eksploataciju za sve količine gotovih proizvoda plasiranih na tržište i/ili upotrijebljenih za vlastite potrebe dužno plaćati 40 feninga/m³.r.m. (slovima: četrdeset feninga po metru kubnom rasute mase).

Minimalna količina gotovih proizvoda na koju je koncesionar dužan platiti koncesionu naknadu je 50 000 m³.r.m. godišnje.

V

Eksploatacione i sve druge prateće poslove koncesionar je dužan izvoditi sukladno sa odredbama važećih zakona i propisa kojima je uređena oblast istraživanja i eksploatacije mineralnih resursa kao i drugih važećih zakona i propisa.

VI

Koncesiona naknada iz stava IV ove odluke predstavlja prihod Zeničko-dobojskog kantona i općine Žepče u omjeru koji je određen važećom odlukom Vlade Zeničko-dobojskog kantona.

VII

Zadužuje se Ministarstvo za privredu da shodno ovoj odluci i odredbama Zakona o koncesijama ("Službene novine Zeničko-dobojskog kantona", broj 5/03) potpiše ugovor o koncesiji sa "NBI ČURIĆ" d.o.o. Žepče.

VIII

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-18-15639/05

PREMIJER

Zenica, 18.05.2005. godine

Nedžad Polić, s.r.

178

Na temelju članka 30. Zakona o proračunima-budžetima u Federaciji Bosne i Hercegovine ("Službene novine Federacije Bosne i Hercegovine", broj 20/98) i članka 15. Zakona o izvršavanju Budžeta Zeničko-dobojskog kantona za 2005. godinu ("Službene novine Zeničko-dobojskog kantona", broj 5/05), Vlada Zeničko-dobojskog kantona, na prijedlog Ministarstva finansija, na 73. sjednici, održanoj 01. 06. 2005. godine, donosi

ODLUKU**o preraspodjeli sredstava u Budžetu
Zeničko-dobojskog kantona za 2005. godinu****Članak 1.**

Odobrava se preraspodjela sredstava planiranih u Budžetu Zeničko-dobojskog kantona za 2005. godinu ("Službene novine Zeničko-dobojskog kantona", broj 5/05) za Stručnu službu Vlade.

Članak 2.

Preraspodjela sredstava u Budžetu Zeničko-dobojskog kantona za 2005. godinu vrši se na sljedeći način:

- na razdjelu 12, budžetska organizacija 01, potrošačka jedinica 0001 - Stručna služba Vlade - sredstva na poziciji 8216 - Rekonstrukcija i investiciono održavanje, umanjuju se za 100.000,00 KM;

- na razdjelu 12, budžetska organizacija 01, potrošačka jedinica 0001 - Stručna služba Vlade - sredstva na poziciji 6151- Kapitalni grantovi drugim nivoima vlasti, uvećavaju se za 100.000,00 KM.

Članak 3.

Za realiziranje ove odluke zadužuju se Ministarstvo finansija i Stručna služba Vlade, svako u okviru svojih nadležnosti.

Članak 4.

Odluka stupa na snagu danom donošenja i primjenjivat će se za 2005. godinu, a objavit će se u "Službenim novinama Zeničko-dobojskog kantona".

Broj: 02-14-17329/05

PREMIJER

Zenica, 01.06.2005. godine

Nedžad Polić, s.r.

179

Na temelju članka 16. stava 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00), Vlada Zeničko-dobojskog kantona, na prijedlog Ministarstva za rad, socijalnu politiku i izbjeglice, na 73. sjednici, održanoj 01.06.2005. godine, d o n o s i

ODLUKU**o odobravanju sredstava za nabavku
robnih paketa****Članak 1.**

Odobravaju se sredstava u iznosu od 210.000,00 KM (slovima: dvjesto deset tisuća konvertibilnih maraka) za nabavku robnih paketa za 2005. godinu, na ime pomoći licima u stanju socijalne potrebe.

Članak 2.

Odobrena sredstva iz članka 1. ove odluke isplatit će se iz Budžeta Zeničko-dobojskog kantona za 2005. godinu, razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 207, pozicija "Ostali socijalni transferi".

Članak 3.

Postupak odabira najpovoljnijeg dobavljača, za račun Ministarstva, provest će kantonalna Direkcija za robne rezerve sukladno sa Zakonom o javnim nabavkama.

Članak 4.

Za realizaciju ove odluke zadužuju se Ministarstvo za rad, socijalnu politiku i izbjeglice, Direkcija za robne rezerve i Ministarstvo finansija, svako u okviru svoje nadležnosti.

Članak 5.

Odluka stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-14-17317/05

PREMIJER

Zenica, 01.06.2005. godine

Nedžad Polić, s.r.

180

Na temelju članka 11. Zakona o koncesijama Zeničko-dobojskog kantona ("Službene novine Zeničko-dobojskog kantona", broj 5/03) i članka 16. stavak 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 73. sjednici, održanoj 01.06.2005. godine, donosi

ODLUKU**Članak 1.**

Dodjeljuje se koncesija za crpljenje prirodne vode na izvoru "Lončari", općina Tešanj, Građevinskom, proizvodnom, trgovačkom i transportnom društvu "VIN-MIS" d.o.o. Jelah - Tešanj.

Članak 2.

Korisniku koncesije po ovoj odluci, dodjeljuje se koncesija za crpljenje prirodne vode na izvoru zvanom "Lončari", koje se nalazi na parceli označenoj kao k.č. 465/1 KO Lončari, općina Tešanj.

Članak 3.

Koncesija se dodjeljuje za crpljenje prirodne vode u obimu 0,80 l/s, u koji su uračunati i gubici u flaširanju prirodne vode, kvarovi u punionici i kvarovi na dovodnom cjevovodu prirodne vode.

Članak 4.

Koncesija za crpljenje mineralne vode po ovoj odluci dodjeljuje se na vrijeme od 30 godina (slovima: trideset), računajući od sljedećeg dana po zaključenju Ugovora o koncesiji, koji će na temelju ove odluke zaključiti davatelj koncesije i korisnik koncesije.

Članak 5.

Korisnik koncesije dužan je da plaća naknadu za korištenje koncesije po ovoj odluci u visini, na način i po postupku i rokovima koji će se utvrditi Ugovorom o dodjeli koncesije.

Za vrijeme trajanja koncesije korisnik koncesije je obavezan da plaća naknadu za koncesiju i to za utvrđenu količinu od 0,80 l/s, prema Odluci o stopama odnosno iznosima posebnih vodoprivrednih naknada ("Službene novine Federacije BiH", broj 46/98 i 25/00) i to 60 % godišnjeg iznosa posebne vodoprivredne naknade za iskorištavanje voda.

Visina naknade usklađivat će se sa svakom promjenom koja nastane donošenjem propisa po tom temelju.

Članak 6.

Naknada iz prethodne tačke predstavlja prihod Zeničko-dobojskog kantona i općine Tešanj u omjeru koji je određen Odlukom Vlade Zeničko-dobojskog kantona o načinu rasporeda i korištenju finansijskih sredstava prikupljenih po temelju koncesionih naknada na ime mineralnih resursa ("Službene novine Zeničko-dobojskog kantona", broj 4/01).

Članak 7.

Plaćanje naknade za korištenje koncesije za crpljenje prirodne vode ne isključuje obavezu korisnika koncesije da plaća posebnu vodoprivrednu naknadu za korištenje voda, sukladno sa Zakonom o vodama.

Članak 8.

Na temelju ove Odluke davatelj koncesije i korisnik koncesije zaključit će Ugovor o koncesiji, kojim će se urediti međusobni odnosi, prava, obaveze i odgovornosti.

Članak 9.

Odluka stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-25-17310/05

Zenica, 01.06.2005. godine

PREMIJER

Nedžad Polić, s.r.

181

Na temelju članka 4. Zakona o koncesijama ("Službene novine Zeničko-dobojskog kantona", broj 5/03) i članka 16. stavak 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00), Vlada Zeničko-dobojskog kantona, na prijedlog Ministarstva za privredu, na 73. sjednici, održanoj 01.06.2005. godine, d o n o s i

ODLUKU

Članak 1.

Daje se suglasnost na Studiju o ekonomskoj opravdanosti dodjele koncesije za snabdijevanje zemnim gasom pravnih i fizičkih lica, finansiranje, izgradnju, upravljanje, održavanje i razvoj javnog dobra - gasne mreže, na području općine Visoko (u daljem tekstu: Studija).

Daje se suglasnost o pristupanju dodjele koncesije za snabdijevanje zemnim gasom pravnih i fizičkih lica,

finansiranje, izgradnju, upravljanje, održavanje i razvoj javnog dobra - gasne mreže na području općine Visoko, (u daljem tekstu: Koncesija).

Članak 2.

Osnovni elementi za dodjelu koncesije:

-snabdijevanje zemnim gasom na području općine Visoko obavljat će se na dijelu izgrađenog gasnog sistema, te gasnom sistemu koji će biti izgrađen;

-vrijeme na koje se dodjeljuje Koncesija je 30 (trideset) godina, računajući početak od dana zaključenja Ugovora o dodjeli Koncesije;

-dodjela Koncesije i privatizacija privrednog društva "Visokogas" d.o.o. Visoko su istovremeni i međusobno zavisni procesi;

-minimalni iznos koncesione naknade je 0,20% od cijene metra kubnog iskorištenog gasa;

-korisnik koncesije se obavezuje na potpunu izgradnju gasnog sistema.

Osnovni kriterij za izbor najpovoljnije ponude je:

-prvorangirani ponuđač u postupku privatizacije privrednog društva "Visokogas" d.o.o. Visoko: (vrednovan sa najviše 90 bodova po ovom kriteriju);

-kredibilitet (vrednovan sa najviše 10 bodova po ovom kriteriju).

Članak 3.

Zadužuje se Ministarstvo za privredu da putem Komisije za provođenje postupka dodjele Koncesije sprovede zakonom propisani postupak javnog poziva, prikupi ponude, izvrši odabir i predloži Ministarstvu za privredu najpovoljnijeg ponuđača.

Članak 4.

Odluka stupa na snagu danom donošenja i bit će objavljena u "Službenim novinama Zeničko-dobojskog kantona".

Broj: 02-17-17216/05

Zenica, 01.06.2005. godine

PREMIJER

Nedžad Polić, s.r.

182

Na temelju članka 16. stavak 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00) i članka 4. stavak 2. Privremene odluke o kriterijima za utvrđivanje liste preduzeća na području Zeničko-dobojskog kantona prema kojima Vlada Kantona vrši ovlaštenja i obaveze vlasnika državnog kapitala ("Službene novine Zeničko-dobojskog kantona", broj 9/97), a sukladno sa članom 4. stavak 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 34/03), Vlada Zeničko-dobojskog kantona, na prijedlog Ministarstva za privredu, na 72. sjednici, održanoj 18.05.2005. godine, d o n o s i

RJEŠENJE**o privremenom nominiranju za predsjednika i članka Nadzornog odbora dioničkog društva "NATRON" d.d. Maglaj****I**

U Nadzorni odbor dioničkog društva sa mješovitim kapitalom "NATRON" d.d. Maglaj privremeno se nominira:

1. Senada Alibarjaktarević, dipl. oec. predsjednik
2. Edvin Mehinagić, dipl. oec. član

Nominacija se vrši do okončanja postupka izbora, kojim će se utvrditi konačno nominiranje po postupku i uz poštivanje primjene principa propisanih Zakonom o ministarskim, vladinim i drugim imenovanjima Federacije Bosne i Hercegovine.

II

Rješenje stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-34-15641/05

PREMIJER

Zenica, 18.05.2005. godine

Nedžad Polić, s.r.

183

Na temelju članka 16. stavak 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00) i članka 25. Zakona o ustanovama ("Službeni list RBiH", broj 6/92, 8/93 i 13/94), a sukladno sa člankom 12. stavak 3. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine", broj 34/03) i člankom 147. stavak 4. Zakona o srednjoj školi ("Službene novine Zeničko-dobojskog kantona", broj 5/04), nakon provedenog postupka po Oglasu za imenovanje u školske odbore u srednjim školama na području Zeničko-dobojskog kantona, Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 72. sjednici, održanoj 18.05.2005. godine, donosi

RJEŠENJE**o konačnom imenovanju članova Školskog odbora JU Đački dom Zenica****I**

Imenuje se Školski odbor JU đački dom Zenica na period od četiri godine, u sastavu:

1. Agović Feho, predsjednik,
2. Kokić Bahrudin, član,
3. Hrnjić Ejub, član,
4. Gačić Adil, član,
5. Bajgorić Behrudin, član.

II

Rješenje stupa na snagu danom donošenja i objavit će se u "Službenim novinama Zeničko-

-dobojskog kantona" i "Službenim novinama Federacije Bosne i Hercegovine".

Broj: 02-34-15276/05

PREMIJER

Zenica, 18.05.2005. godine

Nedžad Polić, s.r.

184

Na temelju članka 16. stavak 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00) i članka 4. stavak 2. Privremene odluke o kriterijima za utvrđivanje liste poduzeća na području Zeničko-dobojskog kantona prema kojima Vlada Kantona vrši ovlaštenja i obaveze vlasnika državnog kapitala ("Službene novine Zeničko-dobojskog kantona", broj 9/97), a sukladno sa člankom 4. stavak 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 34/03), Vlada Zeničko-dobojskog kantona, na prijedlog Ministarstva za privredu, na 73. sjednici, održanoj 01.06.2005. godine, donosi

RJEŠENJE**o privremenom nominiranju za predsjednika i članka Nadzornog odbora dioničkog društva "UNICO FILTER" d.d. Tešanj****I**

U Nadzorni odbor dioničkog društva sa mješovitim kapitalom "UNICO FILTER" d.d. Tešanj, privremeno se nominira:

1. Mešić Salih, predsjednik
2. Duraković Jusuf, član

Nominacija se vrši do okončanja postupka izbora, kojim će se utvrditi konačno nominiranje po postupku i uz poštivanje primjene principa propisanih Zakonom o ministarskim, vladinim i drugim imenovanjima Federacije Bosne i Hercegovine.

II

Rješenje stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-34-17185/05

PREMIJER

Zenica, 01.06.2005. godine

Nedžad Polić, s.r.

185

Na temelju članka 16. stavak 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 73. sjednici, održanoj 01.06.2005. godine, donosi

RJEŠENJE**o izmjeni Rješenja o konačnom imenovanju članova Školskog odbora Osnovne škole "Abdulvehab Ilhamija", Željezno Polje, Žepče**

I

U Rješenju o konačnom imenovanju članova Školskog odbora Osnovne škole "Abdulvehab Ilhamija", Željezno Polje, Žepče, broj: 02-34-6101/05 od 28.02.2005. godine, vrši se izmjena u točki I, stavak prvi, tako što se u podtočki 1. tekst "Hasečić" zamjenjuje tekstem "Husičić".

II

Rješenje stupa na snagu danom donošenja.

Broj: 02-34-17321/05

PREMIJER

Zenica, 01.06.2005. godine

Nedžad Polić, s.r.

.....

186

Na temelju članka 23. Zakona o sudovima Zeničko-dobojskog kantona (Službene novine Zeničko-dobojskog kantona, broj: 4/97, 15/99, 5/03) ministar Ministarstva za pravosuđe i upravu Zeničko-dobojskog kantona, d o n o s i

P R A V I L N I K

o izgledu i nošenju službene odore u pravosuđu na području Zeničko-dobojskog kantona

Članak 1.

Ovim Pravilnikom utvrđuju se izgled i uslovi pod kojima suci, tužitelji i odvjetnici u toku postupka pred sudom nose posebne službene odore.

Članak 2.

Pod sudačkom, tužiteljskom i odvjetničkom odorom glede ovog pravilnika podrazumijeva se službena odora (toga).

Članak 3.

Službena odora suca Kantonalnog suda Zenica je teget plave boje.

Službena odora predsjednika Kantonalnog suda je iste boje, čije su ivice na rukavima obrubljene zlatno-žutom trakom.

Službena odora suca općinskog suda je indigo plave boje, dok je službena odora predsjednika općinskog suda iste boje, čije su ivice na rukavima obrubljene zlatno-žutom trakom.

Tužiteljeva odora je crne boje, a odora Glavnog kantonalnog tužitelja crne boje sa ukrasnom trakom zlatne boje, a toga branitelja Kantonalnog zavoda za pravnu pomoć bordo crvene boje obrubljene crnom trakom.

Članak 4.

Službeni odoru suci, tužitelji, odvjetnici i branitelji Kantonalnog zavoda za pravnu pomoć moraju nositi za vrijeme suđenja, a po potrebi i u posebnim prilikama po odluci Ministarstva za pravosuđe i upravu Zeničko-dobojskog kantona.

Članak 5.

Dužina sudačkih, tužiteljskih i odvjetničkih odora je do pola lista na nozi.

Odore se šiju od laganog materijala.

Članak 6.

Kada odora postane neupotrijbljiva, zamjenjuje se novom odorom.

Članak 7.

Čuvanje i održavanje službenih odora, određuje svojim aktom predsjednik suda.

Vodenje evidencije o službenim odorama vodi osoba zadužena od rukovoditelja institucije.

Članak 8.

Sredstva za nabavku sudačkih, tužiteljskih i odvjetničkih odora i odora branitelja Kantonalnog zavoda za pravnu pomoć (odvjetnika po službenoj dužnosti), njihovo čuvanje i održavanje planiraju se u okviru finansijskog plana Proračuna Zeničko-dobojskog kantona.

Članak 9.

Kada sucu, tužitelju, odvjetniku i branitelju Kantonalnog zavoda za pravnu pomoć i odvjetniku po službenoj dužnosti prestane služba, odora ostaje u sudu gdje je odora korištena.

Članak 10.

Ovaj pravilnik stupa na snagu danom donošenja, a objavit će se u Službenim novinama Zeničko-dobojskog kantona.

Broj: 06-06-16940/05

MINISTRIČA

Zenica, 31.05.2005. godine

Željka Klopućar, s.r.

.....

187

Na temelju članka 102. Zakona o sudovima Zeničko-dobojskog kantona (Službene novine Zeničko-dobojskog kantona, broj: 4/97, 15/99, 5/03) i članka 6. Zakona o kantonalnim ministarstvima i drugim tijelima uprave (Službene novine Zeničko-dobojskog kantona), broj: 16/00), Ministar za pravosuđe i upravu Zeničko-dobojskog kantona, d o n o s i

P R A V I L N I K

O NAKNADI TROŠKOVA U PARNIČNOM POSTUPKU

I - OPĆE ODREDBE

Članak 1.

Ovim pravilnikom uređuje se način isplate naknade i troškova koja pripada svjedocima, vještacima, tumačima, stručnim i drugim osobama kad po pozivu sudova Zeničko-dobojskog kantona (u daljem tekstu: sud) ili na temelju odluke suda, sudjeluju u sudskom postupku i troškovi oštećenog u kaznenom postupku, troškovi stranaka u parničnom postupku i posebnim sudskim postupcima i visina paušalnog iznosa u kaznenom postupku.

Članak 2.

Naknada troškova po odredbama prethodnog članka obuhvata:

1. troškove svjedoka, vještaka, tumača, stručnih i drugih osoba;

2. naknade i posebne naknade za rad vještaka i tumača;

3. troškovi branitelja, punomoćnika i zakonskih zastupnika,

4. troškovi službenih osoba.

Članak 3.

Naknada troškova osobama iz članka 1. ovog pravilnika pripada pod uslovima utvrđenim zakonom i ovim pravilnikom.

Članak 4.

Naknada troškova određuje se na zahtjev osobe koja ima pravo na naknadu. Sud koji vodi postupak dužan je da osobu koja ima pravo na naknadu troškova upozna sa tim pravom, kao i na gubitak tog prava ako zahtjev ne stavi u određenom roku ili na način određen zakonom.

II – TROŠKOVI SVJEDOKA, VJEŠTAKA, TUMAČA, STRUČNIH I DRUGIH OSOBA

Članak 5.

Putni troškovi obuhvataju naknadu za prijevoz sredstvima javnog prometa (u daljem tekstu: naknada za prijevoz), odnosno naknada za troškove benzina po predenom kilometru ukoliko je koristio osobni automobil,

Troškovi iz prethodnog stavka obuhvataju izdatke za dolazak iz prebivališta odnosno boravišta do mjesta gdje treba da se izvrši saslušanje, vještačenje, tumačenje ili da se izvrši neka druga radnja, kao i povratak u prebivalište, odnosno boravište.

Sredstva javnog prometa, glede ovog pravilnika su: željeznica, autobus, avion i brod.

Članak 6.

Naknada za prijevoz priznaje se za putovanje autobusom, drugim razredom putničkog ili brzog vlaka, odnosno brodom u drugoj klasi i avionom u drugoj klasi.

Naknada za prijevoz skupljim prevoznim sredstvom javnog prometa može se priznati samo u slučaju kad troškovi upotrebe jeftinijeg prijevoznog sredstva zajedno sa drugim troškovima iznose više od troškova prevoza skupljim prevoznim sredstvom.

Članak 7.

Ratnim vojnim invalidom I do IV grupe zaključno i invalidima rada I kategorije priznaje se naknada prijevoza putničkim ili brzim vlakom, odnosno brodom u I klasi.

Članak 8.

Naknada za prijevoz utvrđuje se na temelju cijene karte vlaka ili na drugi način.

Članak 9.

Naknada za prijevoz ne pripada svjedoku, vještaku, tumaču, stručnoj ili drugoj osobi koja ima pravo na stalnu besplatnu vožnju.

Swjedoku, vještaku, tumaču ili stručnoj osobi, koja je koristila povlasticu za vožnju pripada naknada za prijevoz u visini stvarnih izdataka.

Članak 10.

Naknada u vidu kilometraže pripada samo na putnim pravcima na kojima ne saobraćaju prevozna sredstva javnog prometa.

Naknada iz prethodnog stavka pripada i kad se postojeće sredstvo javnog prometa ne može koristiti usljed prekida prometa, nepogodne veze ili ako iz drugih opravdanih razloga nije bilo moguće da se to sredstvo koristi.

Naknada u vidu kilometraže pripada samo ako je udaljenost od prebivališta odnosno boravišta do mjesta gdje treba da se izvrši saslušanje, vještačenje ili tumačenje do željezničkog ili autobusnog kolodvora ili pristaništa veća od pet kilometra u jednom pravcu.

Naknada iz prethodnog stavka obračunava se prema broju pređenih kilometara u oba pravca na temelju posebnog propisa o putnim troškovima.

Članak 11.

Za putovanje izvršeno osobnim prijevoznim sredstvom naknada troškova prijevoza određuje se po odredbama članka 7. ovog pravilnika.

Članak 12.

Naknadu za ishranu i prenoćište određuje sud prema prosječnim mjesečnim cijenama ishrane i prenoćišta.

Naknada za ishranu pripada svjedoku, vještaku, tumaču, stručnim ili drugim osobama, ako je zbog odzivanja na poziv morao provesti van svog prebivališta odnosno boravišta više od osam sati, računajući i vrijeme gdje treba da se izvrši svjedočenje, vještačenje, tumačenje ili neka druga radnja, kao i vrijeme potrebno za povratak u prebivalište odnosno boravište.

Članak 13.

Naknada troškova iz prethodnog članka vojnim osobama određuje se po propisima o putnim troškovima vojnim osobama.

Članak 14.

Naknada plaće zbog odzivanja na poziv u svojstvu svjedoka, vještaka, tumača, stručnoj ili drugoj osobi pripada zaposlenim prema visini stvarne dnevnice ostvarene u pravnoj osobi gdje je zaposlen, a naknada za izgubljenu zaradu pripada samostalnom privredniku.

Naknada iz prethodnog stavka pripada zaposlenoj osobi i kad nije odsustvovalo s rada ako se radi o noćnoj smjeni, a dužnost svjedoka, vještaka, tumača, stručne ili druge osobe je izvršila u vrijeme kad treba da se odmara i priprema za redovan rad u noćnoj smjeni.

Članak 15.

Naknadu za izgubljenu zaradu samostalnom privredniku određuje sud koji vodi postupak i prema izgubljenom vremenu i zavisno od zanimanja osobe kojoj pripada ova naknada, a prema podacima

nadležne poreske uprave o vlastitoj prosječnoj zaradi iz posljednja tri mjeseca koje je dužan priložiti sudu uz zahtjev.

Članak 16.

Svjedoku, vještaku, tumaču, stručnoj ili drugoj osobi koja je istog dana ili u više uzastopnih dana vršila dužnost u više različitih predmeta, pripada naknada jednostrukog iznosa troškova. Ovaj iznos naknade podijelit će se na sve predmete u kojima je svjedok, vještak, tumač stručna ili druga osoba sudjelovala i to srazmjerno vremenu provedenom radi svjedočenja, vještačenja, tumačenja ili vršenja neke druge radnje u pojedinom predmetu.

Članak 17.

Ako je svjedoku uslijed bolesti, tjelesnih mana ili godina starosti potreban pratitelj, pripada mu pravo na naknadu troškova i za pratitelja po odredbama članka 5. do 15. ovog pravilnika.

III – NAKNADE I POSEBNE NAKNADE ZA RAD VJEŠTAKA I TUMAČA

Članak 18.

Vještaku pripada naknada za davanje nalaza i mišljenja.

Visinu naknade određuje sud koji vodi postupak uzimajući u obzir uloženi rad i složenost vještačenja i to:

1. za vještačenje iz oblasti prometa, finansija, medicine, građevinska i grafološka i slična vještačenja, kao i vještačenja kod kojih se nalaz i mišljenje direktno diktira na zapisnik u prostorijama suda, kod pismene izrade nalaza i mišljenja, kod psihijatrijskog intervjua u prostorijama suda, kod izjašnjavanja vještaka o vrsti i načinu nastanka povrede, kod grafoloških ekspertiza i slično, od 70 do 200 KM;

2. kod pristupa vještaka na glavni pretres radi izjašnjavanja određenih pitanja u vezi nalaza koje je vještak već ranije dao u prethodnom postupku, kao i kod određene dopune nalaza do koje je došlo uslijed propusta vještaka pri vještačenju 50 KM, a kod dopune vještačenja koje se vrši zbog utvrđivanja novih činjenica, naknada se određuje sukladno sa tačkom 1. ovog članka;

3. nadvještačenja, dvostruki iznos utvrđen za vještačenje iz tačke 1. i 2.

U pojedinim složenijim predmetima, sudac odnosno predsjednik sudskog vijeća može odrediti iznos naknade sa vještakom, neovisno od odredaba ovog članka.

Ako za rad stručnih osoba pojedinih kategorija postoje posebni propisi o visini, naknada za vještačenje određuje se po tim propisima.

Članak 19.

Kad je vještačenje povjereno pravnoj osobi, naknada za vještačenje pripada toj pravnoj osobi.

Pravni subjekt iz prethodnog stava kojem je povjereno vještačenje, ima pravo i na naknadu troškova vještačenja sukladno odredbama članka 21. ovog pravilnika.

Odredbe prethodnog stava primjenjuju se i kada je vještačenje povjereno državnom organu, državnim organizacijama kao i ovlaštenim medicinskim institucijama, koje po nalogu suda obavljaju razna vještačenja. (npr. utvrđivanje očinstva DNA metodom i slično), koji to vještačenje ne vrše u okviru svog djelokruga.

Troškovi obavljenog iz stava 3. ovog članka određuju se sukladno sa pravilnikom, odlukom, cjenovnikom i drugim aktom tih organizacija, odnosno zdravstvenih ustanova.

Članak 20.

Za provođenje pismena s jednog jezika na drugi jezik i za usmeno prevodenje, tumaču pripada naknada po propisima o stalnim sudskim tumačima.

Odredbe prethodnog stava primjenjuju se i kada se saslušanje ili ispitivanje gluhoonjernih ili samo gluhih, odnosno samo nijernih osoba vrši preko tumača.

Članak 21.

Vještak ima pravo na naknadu troškova vještačenja, koja obuhvata izdatke za utrošeni materijal i druge stvarne troškove vještaka koje je imao u vezi sa vještačenjem.

Ako je vještak koristio uređaje ili materijal stručne ustanove ili državnog organa, pravne osobe ili samostalnog poduzetnika, pravo na naknadu stvarnih izdataka pripada stručnoj ustanovi i državnom organu, pravnoj osobi ili samostalnom poduzetniku, čiji uređaj ili materijal su korišteni.

Članak 22.

Ako je za poduzimanje uvida, vještačenja ili neke druge radnje u postupku potrebno izvršiti posebne radove, osobama koje izvrše te radove isplaćuje se naknada prema nagodbi.

IV – TROŠKOVI PUNOMOĆNIKA I ZAKONSKIH ZASTUPNIKA

Članak 23.

Naknada troškova i naknada punomoćnicima ako su odvjetnici, određuje se po tarifi o naknadama troškova za rad odvjetnika. Po toj tarifi određuje se naknada i kada stranku zastupa pravobranitelj ili drugi organ, odnosno organizacija koja ima pravo na naknadu za zastupanje.

Kada braniocu ili punomoćniku koji nije odvjetnik i zakonskom zastupniku pripada naknada za izdatke po odredbama zakona kojim se regulira parnični postupak, ta naknada obuhvata putne troškove i troškove za ishranu i prenoćište, a utvrđuje se po odredbama članka 5. do 12. ovog pravilnika.

Osobama iz prethodnog stava naknada za izgubljenu zaradu utvrđuje se po odredbama članka 14. i 15. ovog pravilnika.

Naknada postavljenom punomoćniku koji nije odvjetnik u parničnom postupku utvrđuje se po

slobodnoj ocjeni, s tim da ne može biti veća od naknade utvrđene u tarifi o naknadama za rad odvjetnika.

Ombudsmanu koji sudjeluje u postupku kao stranka pripada naknada troškova sukladno Zakonu o parničnom postupku i ovim pravilnikom.

V – TROŠKOVI I ZAHTEJ ZA NAKNADU TROŠKOVA

Članak 24.

Stranka umješac, odnosno zakonski zastupnik ima pravo na naknadu troškova utvrđenih po odredbama članka 5. do 17. ovog pravilnika.

Članak 25.

Kad je svjedočenje, vještačenje, tumačenje ili uvidaj vršeno pred zamoljenim organom, o zahtjevu za naknadu troškova odnosno za određivanje naknade odlučuje taj organ.

Članak 26.

U parničnom postupku isplaćuje se unaprijed, iz predračunskih sredstava, samo troškovi predviđeni u članku 385. stavak 4. i u članku 403. Zakona o parničnom postupku („Službene novine Federacije BiH“, broj:53/03).

Članak 27.

Svi troškovi unaprijed isplaćeni iz predračunskih sredstava unose se u poseban popis troškova koji se prilaže spisu.

Članak 28.

Zahtjev za naknadu troškova odnosno isplatu naknade podnose svjedoci, vještači, tumači, stručne i druge osobe, koje su pomagale pri vještačenju, odmah po izvršenom svjedočenju, vještačenju, tumačenju ili davanju objašnjenja.

Zaposlenim osobama izdat će se odmah po završenom svjedočenju, vještačenju, tumačenju ili davanju objašnjenja, potvrde o vremenu koje su proveli vršeći te dužnosti, u cilju ostvarivanja prava iz članka 23. ovog pravilnika.

Članak 29.

U predmetima u kojima je izvjesno da će se postupak voditi duže vrijeme, predsjednik vijeća ili sudac pojedinac koji je zadužen sa predmetom, može odrediti da se obračun i isplata naknade troškova i naknada vrši i prije okončanja postupka, u periodima koji u konkretnom svakom slučaju odredi predsjednik suda.

VI – PRELAZNE I ZAVRŠNE ODREDBE

Članak 30.

Danom stupanja na snagu ovog pravilnika na području Zeničko-dobojskog kantona prestaje primjena Uredbe o naknadi troškova u sudskim postupcima („Službeni list SR BiH“ broj 19/77, 6/85, 9/90, 27/91 i „Službeni list RBiH“, broj 12/93, 15/93, 7/94 i 22/94). Odredbe ovog pravilnika primjenjivat će

se u prelaznom periodu na privatnog tužioca do okončanja već započetih predmeta.

Članak 31.

Ovaj pravilnik stupa na snagu danom objavljivanja u „Službenim novinama Zeničko-dobojskog kantona“.

Broj: 06-14- 16937/05

MINISTRIČA

Zenica, 31. 05. 2005. godine Željka Klobučar, s.r.

188

Na temelju članka 59. stavak 3. i članka 62. Zakona o sudovima Zeničko-dobojskog kantona („Službene novine Zeničko-dobojskog kantona“ broj: 4/97, 15/99 i 5/03) i članka 32. Zakona o kantonalnoj upravi („Službene novine Zeničko-dobojskog kantona“, broj: 9/00), ministrica za pravosuđe i upravu donosi:

PROGRAM

PROVOĐENJA PRIPRAVNIČKOG STAŽA U PRAVOSUDNIM ORGANIMA ZENIČKO-DOBOJSKOG KANTONA

Članak 1.

Ovim programom propisuje se provođenje pripravničkog staža i način osposobljavanja pripravnika-diplomiranih pravnika (u daljem tekstu: pripravnik) koji se primaju na rad u sudove i Kantonalno tužilaštvo/tužiteljstvo Zeničko-dobojskog kantona (u daljem tekstu: Tužilaštvo).

Ovaj program se primjenjuje i na druga lica koja su diplomirala na pravnom fakultetu (pripravnik-volonter) ako im je ta praksa potrebna radi stručnog osposobljavanja i sticanja uvjeta za polaganje pravosudnog ispita.

Članak 2.

Pripravnici se naizmjenično raspoređuju na pojedine poslove i zadatke tako da se tokom pripravničkog staža upoznaju s obavljanjem svih poslova i zadataka u pravosudnim organima.

Članak 3.

Pripravnik koji je primljen na rad u općinski sud provodi pripravnički staž po slijedećem redoslijedu i trajanju:

1. na poslovima sudske uprave - 1 (jedan) mjesec;
2. na poslovima zemljišno-knjižnog ureda - 2 (dva) mjeseca;
3. na poslovima parničnog referata - 5 (pet) mjeseci;
4. na poslovima vanparničnog referata - 2 (dva) mjeseca;
5. na poslovima izvršenja i platnih naloga - 1 (jedan) mjesec;
6. na poslovima krivičnog referata 6 (šest) mjeseci.

Iznimno od odredbi stavka 1. ovog članka, predsjednik općinskog suda može, na zahtjev pripravnika, odrediti da pripravnik provede pripravnički staž na pojedinim poslovima u kraćem ili dužem trajanju.

Članak 4.

Nakon provođenja pripravničkog staža na poslovima iz članka 3. ovog programa, pripravnik se upućuje da preostalo vrijeme provede u Tužilaštvu i u Kantonalnom sudu.

Provođenje pripravničkog staža u tužilaštvu traje najmanje 3 (tri) mjeseca.

Članak 5.

Kad pripravnik provodi pripravnički staž u Kantonalnom sudu, predsjednik Kantonalnog suda određuje vrijeme i poslove na kojim će pripravnik provesti pripravnički staž.

Članak 6.

Prispravnik koji je primljen na rad u Kantonalni sud provodi pripravnički staž slijedećim redoslijedom i trajanjem:

1. na poslovima sudske uprave - 1 (jedan) mjesec;
2. na poslovima drugostepenog građanskog referata - 3 (tri) mjeseca;
3. na poslovima prvostepenog krivičnog referata - 3 (tri) mjeseca;
4. na poslovima drugostepenog krivičnog referata - 2 (dva) mjeseca.

Nakon provedenog pripravničkog staža na poslovima iz stava 1. ovog članka, pripravnik provodi pripravnički staž u općinskom sudu slijedećim redoslijedom i u trajanju:

1. na poslovima zemljišno-knjižnog ureda - 2 (dva) mjeseca;
2. na poslovima parničnog referata - 3 (tri) mjeseca;
3. na poslovima vanparničnog referata - 1 (jedan) mjesec;
4. na poslovima izvršenja - 1 (jedan) mjesec.

Nakon provođenja pripravničkog staža na poslovima iz stava 1 i 2. ovog članka, pripravnik se upućuje radi provođenja pripravničkog staža u Tužilaštvo.

Iznimno od odredbi stavka 1. i 2. ovog članka, predsjednik Kantonalnog suda može, na zahtjev pripravnika, odrediti da pripravnik provede pripravnički staž na pojedinim poslovima iz stavka 1. ovog članka u kraćem ili dužem trajanju.

Članak 7.

Prispravnik koji je primljen na rad u tužilaštvo raspoređuje se na poslove i zadatke Tužilaštva tako da se za vrijeme pripravničkog staža osposobi za obavljanje svih poslova tužilaštva.

Glavni kantonalni tužitelj određuje trajanje pripravničkog staža na pojedinim poslovima i zadacima.

Prispravnik iz stava 1. ovog članka upućuje se u općinski sud radi provođenja pripravničkog staža na poslovima zemljišno-knjižnog ureda, parničnog referata, vanparničnog referata i izvršenja, u trajanju određenom člankom 3. ovog programa.

Prispravnički staž na poslovima iz prethodnog stava može trajati i kraće vrijeme, ali ne kraće od polovice propisanog vremena.

Članak 8.

Predsjednik suda, odnosno glavni kantonalni tužilac dužan je osigurati da se o provođenju pripravničkog staža vodi posebna evidencija koja sadrži podatke o vremenu koje je pripravnik proveo na pojedinim poslovima i zadacima.

Nakon provedenog pripravničkog staža predsjednik suda odnosno glavni kantonalni tužitelj izdaje pripravniku potvrdu o provođenju pripravničkog staža sukladno s ovim programom.

Članak 9.

Za vrijeme obavljanja pripravničkog staža, pripravnik je dužan voditi dnevnik u koji će upisivati obavljene poslove i zadatke i propise koje je pri tome primjenjivao.

Upisivanja podataka iz prethodnog stava pripravnik obavlja pod nadzorom lica koje rukovodi poslovima na kojim pripravnik provodi pripravnički staž.

Članak 10.

Program stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 06-34-9111/05

MINISTRICA

Zenica, 29.03.2005. godine

Željka Klobučar, s.r.

189

DOPUNSKA LISTA POSTAVLJENIH STALNIH SUDSKIH VJEŠTAKA ZA PODRUČJE ZENIČKO- DOBOJSKOG KANTONA

Red. br.	Ime i prezime	Adresa stanovanja	Telefon	Vrsta vještačenja	Odsjek /Specijalnost
1	2	3	4	5	6
1.	Bego Parić	Ul. Branilaca grada L1/1 Zavidovići	032/ 875-207	Šumarstvo	

Broj: 06/02-34-13150-1/05

MINISTRICA

Zenica, 16.06.2005. godine

Željka Klobučar, s.r.

190

Na temelju članka 12. stavak 3.n Zakona o visokom obrazovanju ("Službene novine Zeničko-dobojskog kantona" broj : 05/05), ministar Ministarstva za obrazovanje, nauku, kulturu i sport Zeničko-dobojskog kantona, uz saglasnost Vlade Kantona, d o n o s i

P R A V I L N I K O SASTAVU I RADU KOMISIJE MATIČARA

Članak 1.

Komisija matičara vrši pripremne radnje za početak rada visokoškolske ustanove.

Članak 2.

Komisiju matičara imenuje osnivač visokoškolske ustanove.

Ako visokoškolsku ustanovu osniva više osnivača zajedno, komisija matičara se imenuje sukladno sa ugovorom o međusobnim pravima, obavezama i odgovornostima suosnivača.

Članak 3.

Prije donošenja akta o imenovanju komisije matičara, osnivač je dužan da pribavi mišljenje univerziteta o sastavu komisije matičara.

Članak 4.

Komisija matičara sastoji se od tri do pet članova.

Članovi komisije matičara imenuju se iz reda univerzitetskih profesora odgovarajućih visokoškolskih ustanova, predstavnika naučno-istraživačkih institucija i predstavnika osnivača, zavisno od prirode studija i profila kadra koji će se obrazovati u visokoškolskoj ustanovi koja se osniva.

Članak 5.

Stručno administrativne poslove komisije matičara obavlja sekretar komisije.

Aktom o imenovanju komisije matičara, osnivač visokoškolske ustanove imenuje sekretara komisije matičara, iz reda diplomiranih pravnika.

Članak 6.

Akt o imenovanju komisije matičara sadrži naročito:

1. naziv i sjedište osnivača visokoškolske ustanove;
2. naziv visokoškolske ustanove koja se osniva i stepen stručne spreme koja će se sticati u toj visokoškolskoj ustanovi;
3. broj članova komisije matičara;
4. ime i prezime članova komisije matičara sa podacima o zvanju i poslu koji obavlja;
5. zadatke komisije matičara i rokove za njihovo izvršenje.

Članak 7.

Jedan primjerak akta o imenovanju komisije matičara osnivač visokoškolske ustanove dostavlja Ministarstvu za obrazovanje, nauku, kulturu i sport Zeničko-dobojskog kantona, (u daljem tekstu: Ministarstvo), u roku od osam dana od dana donošenja ovog akta.

Članak 8.

Komisija matičara radi u sjednicama.

Sjednice komisije matičara saziva predsjednik komisije i istom rukovodi.

Sjednica komisije matičara može se održati samo ako je prisutna većina članova.

Komisija matičara donosi odluke većinom glasova svih članova.

Članak 9.

Komisija matičara donosi nastavni plan i nastavne programe za sve godine studija.

Nastavni plan i nastavne programe komisija matičara donosi u suglasnosti sa osnivačem

visokoškolske ustanove sukladno sa odredbama članka 36. do 41. Zakona o visokom obrazovanju.

Članak 10.

Komisija matičara donosi odluku i objavljuje Natječaj za izbor nastavnika i saradnika za sve nastavne predmete prve i druge godine studija, od kojih za jednu trećinu stručnih i zajedničkih nastavnih predmeta prve godine studija, se vrši zasnivanje radnog odnosa nastavnika sa najmanje polovinom od punog radnog vremena.

Natječaj obavezno sadrži opšte uslove iz odredbe članka 80. Zakona o visokom obrazovanju i odgovarajuće posebne uslove iz ovog Zakona za izbor nastavnika i saradnika svih predmeta prve godine studija

Članak 11.

Za pripremanje prijedloga za izbor nastavnika i saradnika komisija matičara obrazuje posebne stručne Komisije sukladno sa odredbama članka 91. Zakona o visokom obrazovanju.

Komisija iz prethodnog stavka sastoji se najmanje od tri člana.

Članak 12.

Komisija matičara određuje visokoškolsku ustanovu u kojoj će kandidat za nastavnika održati pristupno predavanje iz materije nastavnog predmeta odnosno naučne oblasti za koji je konkurirao, ako ranije nije izvodio nastavu u visokoškolskoj ustanovi.

Članak 13.

Na temelju prijedloga stručnih komisija iz članka 11. ovog Pravilnika, komisija matičara ocjenjuje za svakog kandidata da li ispunjava uslove Natječaja.

Ako kandidat ispunjava uslove Natječaja, komisija matičara donosi odluku o njegovom izboru za nastavnika, odnosno saradnika određenog nastavnog predmeta odnosno naučne oblasti u zvanje za koje ispunjava posebne uslove Natječaja.

Članak 14.

Komisija matičara predlaže osnivaču i univerzitetu broj studenata za upis u prvu godinu dodiplomskog studija.

Članak 15.

Komisija matičara donosi sukladno sa Zakonom o visokom obrazovanju privremenu odluku o pravilima dodiplomskog studija.

Odluka iz prethodnog stava primjenjuje se do donošenja općeg akta o pravilima dodiplomskog studija visokoškolske ustanove.

Članak 16.

Komisija matičara obavlja i druge poslove koje joj odredi osnivač sukladno sa Zakonom i drugim propisima i aktom o obrazovanju komisije.

Članak 17.

Poslovi koji su joj stavljeni u zadatak komisija matičara dužna je da završi u roku određenom aktom o imenovanju, a najkasnije dva mjeseca prije početka akademske godine.

Članak 18.

O obavljenim poslovima komisija matičara podnosi osnivaču visokoškolske ustanove izvještaj u roku od osam dana od dana završetka svih poslova.

Usvajanjem izvještaja o obavljenim poslovima komisija matičara prestaje sa radom.

Jedan primjerak usvojenog izvještaja osnivač dostavlja Ministarstvu u roku od osam dana od dana usvajanja izvještaja.

Članak 19.

Sredstva za rad komisije matičara i njenih stručnih komisija i sekretara obezbjeđuje Univerzitet u Zenici.

Članak 20.

Kada se visokoškolska ustanova osniva zakonom, akt o imenovanju komisije matičara donosi osnivač.

Stručno - administrativne poslove iz prethodnog stava obavlja Ministarstvo

Članak 21.

Ovaj Pravilnik se primjenjuje i za početak rada organizacionih jedinica univerziteta - fakulteta radi uvođenja nove vrste studija.

Članak 22.

Stupanjem na snagu ovog Pravilnika prestaje važiti Pravilnik o sastavu i radu komisije matičara ("Službeni list SRBIH" broj 14/78).

Članak 23.

Ovaj Pravilnik stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 10-38-14940/05

MINISTAR

Zenica 31.05.2005.godine

Sreto Tomašević, s.r.

191

Na temelju članka 18. Odluke o neposrednom učešću osiguranih lica u troškovima korišćenja zdravstvene zaštite ("Službene novine Zeničko-dobojskog kantona", broj: 4/2005), ministar zdravstva Zeničko-dobojskog kantona, d o n o s i

U P U T S T V O

o primjeni Odluke o neposrednom učešću osiguranih lica u troškovima korišćenja zdravstvene zaštite

I OPĆE ODREDBE

1. Uputstvom o primjeni Odluke o neposrednom učešću osiguranih lica u troškovima korišćenja zdravstvene zaštite (u daljem tekstu: Uputstvo) bliže se pojašnjavaju pojedine odredbe Odluke o neposrednom učešću osiguranih lica u troškovima korišćenja zdravstvene zaštite (u daljem tekstu: Odluka).
2. Odluka se jedinstveno primjenjuje u svim poslovnicaama Zavoda zdravstvenog osiguranja Zeničko-dobojskog kantona i u svim zdravstvenim ustanovama na području Zeničko-dobojskog kantona.

3. Neposredno učešće osiguranih lica u troškovima korišćenja zdravstvene zaštite, utvrđuje se u apsolutnom iznosu, koji je naveden u Odluci ili u procentu od cijene utvrđene Tarifom zdravstvenih usluga Zavoda zdravstvenog osiguranja i reosiguranja Federacije Bosne i Hercegovine, decembar 1999. godine (u daljem tekstu: Tarifa).

4. Tarifa zdravstvenih usluga primjenjuje se i na osigurana lica drugih kantona, odnosno drugog entiteta kada koriste zdravstvenu zaštitu u zdravstvenim ustanovama na području Zeničko-dobojskog kantona.

5. Neosigurana lica plaćaju punu cijenu zdravstvenih usluga prema Tarifi iz tačke 3. Općih odredaba.

6. Zdravstvene ustanove na području Zeničko-dobojskog kantona dužne su na vidnom mjestu, gdje se zdravstvene usluge koriste ili naplaćuju istaknuti tekst Odluke i Uputstva.

7. Zdravstvene ustanove na području Zeničko-dobojskog kantona ne mogu uvoditi i naplaćivati druge vidove neposrednog učešća osiguranih lica, niti mijenjati iznos neposrednog učešća, mimo odredaba Odluke, što znači da usluge koje nisu navedene u Odluci osigurana lica ne plaćaju.

8. Osigurana lica plaćaju neposredno učešće u nabavi ortopedskih i drugih pomagala, pružanju zuboprotetske pomoći i ugradnji zuboprotetskih nadomjestaka i endoproteza (u daljem tekstu: pomagala) prema Cjenovniku iz priloga ugovora između Zavoda zdravstvenog osiguranja Zeničko-dobojskog kantona i pravnih i fizičkih lica - isporučilaca pomagala i nadomjestaka.

9. Medicinske indikacije za propisivanje pomagala utvrđene su Odlukom o obimu prava na korištenje ortopedskih i drugih pomagala, zuboprotetske pomoći i zuboprotetskih nadomjestaka i endoproteza ("Službene novine Zeničko-dobojskog kantona" broj: 4/2005), (u daljem tekstu: Odluka o obimu prava na korištenje ortopedskih i drugih pomagala).

II VIDOVI ZDRAVSTVENE ZAŠTITE

Članak 2. stavak 1. točka 1. i 2. Odluke

Pod prvim pregledom kod ljekara opće prakse, porodičnog doktora, specijaliste u općoj i porodičnoj medicini, specijaliste u primarnoj zdravstvenoj zaštiti i pod prvim pregledom kod ljekara specijaliste u konsultativno-specijalističkoj i sekundarnoj zdravstvenoj zaštiti podrazumijeva se prvi pregled u tekućoj kalendarskoj godini, s tim da se pod prvim pregledom kod ljekara specijaliste u konsultativno-specijalističkoj i sekundarnoj zdravstvenoj zaštiti, smatra pregled kod svakog specijaliste ponosob

Članak 2. stavak 1. točka 4. Odluke

Pod kućnom posjetom ljekara opće prakse, porodičnog doktora i specijaliste u općoj i porodičnoj

medicini, specijaliste u primarnoj zdravstvenoj zaštiti podrazumijeva se uspostavljanje kontakta ljekara sa korisnikom zdravstvene zaštite van zdravstvene ustanove, obavljen u organizaciji primarne zdravstvene zaštite. Korisnik zdravstvene usluge plaća izvršene usluge po cijenama utvrđene Tarifom, na koji iznos se dodaju i troškovi prijevoza, izuzev ako se radi o hitnoj medicinskoj pomoći, kućnom liječenju ili kućnoj posjeti porodičnog ljekara.

Članak 2. stavak 1. točka 5. Odluke

Osigurano lice plaća pregled liječnika specijaliste u konsultativno-specijalističkoj zdravstvenoj zaštiti i sekundarnoj zdravstvenoj zaštiti, pregled liječnika subspecijaliste i konzilijarni liječnički pregled po cijenama utvrđenim Tarifom, ako ovaj pregled osigurano lice zahtijeva, a ordinirajući liječnik ocjenjuje da ne postoji potreba za upućivanjem.

Ukoliko se nakon obavljenog specijalističkog, subspecijalističkog ili konzilijarnog pregleda osiguranog lica, na zahtev osiguranog lica, uspostavi dijagnoza koja je različita od dijagnoze liječnika opće prakse, porodičnog liječnika i specijaliste u općoj i porodičnoj medicini ili ljekara specijaliste u primarnoj zdravstvenoj zaštiti, specijaliste porodične medicine i porodičnog liječnika i koja ukazuje na opravdanost obavljenog pregleda, osiguranom licu će se naplatiti samo participacija u visini utvrđene participacije za prvi pregled kod liječnika specijaliste u konsultativno-specijalističkoj i sekundarnoj zdravstvenoj zaštiti, dok će visina participacije kod konzilijarnog pregleda zavisi od broja liječnika specijalista koji su uključeni u konzilijarni pregled.

Članak 2. stavak 1. točka 6. Odluke

Pod neobaveznom vakcinacijom podrazumijevaju se vakcinacije koje nisu propisane Pravilnikom o uslovu i načinu obavljanja obavezne imunizacije, seroprofilakse i kemoprofilakse protiv zaraznih bolesti, te lica koja podliježu toj obaveznoj ("Službene novine R BiH", broj: 2/92 i 13/94) i Naredbom o programu obaveznih imunizacija stanovništva protiv zaraznih bolesti, koju propisuje Ministarstvo zdravstva Federacije Bosne i Hercegovine svake godine.

Članak 2. stavak 1. točka 7. Odluke

Pod ultrazvukom uz očitavanje nalaza podrazumijeva se ultrazvučni pregled odgovarajućih organa uz pismeni sonodijagnostički nalaz odgovarajućeg specijaliste, kao i izdavanje načinjenog snimka.

Članak 2. stavak 1. točka 10. Odluke

Primarni nivo laboratorijske dijagnostike u dijelu koji se odnosi na KKS (kompletna krvna slika), broj eritrocita, leukocita, hemoglobina, hematokrit, MCV, MCH, MCHC, podrazumijeva i SE (sedimentaciju).

Članak 2. stavak 1. točka 20. Odluke

U slučaju CT dijagnostike sa kontrastom osigurano lice plaća navedeni iznos bez posebne nabavke i plaćanja kontrasta.

Članak 2. stavak 1. točka 37. Odluke

Pod vještačkim prekidom trudnoće zbog nemedicinskih razloga podrazumijeva se slučaj kada osigurano lice zahtijeva prekid trudnoće, a prema mišljenju nadležnog liječnika medicine specijaliste ginekologa, za to ne postoji medicinska indikacija, odnosno opravdanost. Osigurano lice navedene usluge plaća po Tarifi.

Članak 2. stavak 1. točka 41. Odluke

U slučaju korištenja usluga akupunkture osigurano lice plaća puni iznos cijene iz Tarife

Članak 2. stavak 1. točka 42. Odluke

Kada osigurano lice zahtijeva hirurške intervencije isključivo iz estetskih razloga, snosit će punu cijenu te intervencije po Tarifi.

Ukoliko se hirurškom intervencijom poboljšava funkcija pojedinog organa i ukoliko ista treba da se obavi po prijedlogu konzilija određene specijalnosti, osigurano lice učestvuje u snošenju troškova takvog hirurškog zahvata sukladno sa čl. 2. st. 1. točka 46. Odluke.

Članak 2. stavak 1. točka 44. Odluke

Sva osigurana lica plaćaju lijekove sa Liste lijekova Kantonalnog zavoda zdravstvenog osiguranja po svakom receptu – 1 KM, odnosno visinu procentualnog iznosa utvrđenog za pojedine lijekove sa Liste.

Osigurana lica ne plaćaju učešće za ampulirane lijekove koji se primjenjuju u ustanovama primarne zdravstvene zaštite, a prema Listi ampuliranih lijekova koju utvrdi Vlada Zeničko-dobojskog kantona.

Osigurana lica ne plaćaju ampulirane i druge lijekove u slučaju bolničkog ležanja, a koji su utvrđeni u Listi bolničkih lijekova za ležeće bolesnike, koju utvrdi Vlada Zeničko-dobojskog kantona.

Članak 2. stavak 1. točka 45. Odluke

Osigurana lica, koja nisu oslobođena neposrednog učešća, za vrijeme ležanja u bolnici (ležeći bolesnici) plaćaju neposredno učešće u slučaju korištenja sljedećih usluga:

- magnetne rezonance;
- CT dijagnostike;
- razbijanje kamenca u bubregu, mokraćovodima i mokraćnoj bešici;
- laparoskopske hirurgije;
- artroskopskih operativnih zahvata;
- određivanja hormona žlijezda sa unutrašnjim lučenjem;
- vještačkog prekida trudnoće iz nemedicinskih indikacija;
- akupunkture,
- hirurško-estetskih korekcija,
- bolničkog liječenja po b.o. danu;
- hirurških zahvata gdje nije urgentna (hitna) indikacija,
- za majku pratilju uz dijete starije od godinu dana, na zahtjev majke,

- liječenja i rehabilitacije u specijalizovanim zdravstvenim ustanovama samo u slučajevima kada od završenog stacionarnog liječenja nije prošlo više od 90 dana;
- liječenja u prirodnom lječilištu;
- zdravstvenih usluga liječenja od trovanja alkoholom, akutnog pijanstva i tuče.

Osigurana lica, koja su oslobođena neposrednog učešća, za vrijeme ležanja u bolnici (ležeći bolesnici), plaćaju neposredno učešće utvrđeno u alinejama 7., 8., 9., 12., 14. i 15. prethodnog teksta.

Članak 2. stavak 1. točka 46. Odluke

Osigurana lica plaćaju 10% od utvrđene cijene hirurškog zahvata gdje nije urgentna indikacija, uključujući zahvate iz oralne hirurgije, ugradnju endoproteza osim usluga iz čl. 2 st.1. točka 32. Odluke (Laparoskopska hirurgija).

Članak 2. stavak 1. točka 47. Odluke

Osigurano lice plaća za majku pratilju uz dijete starije od jedne godine na zahtjev majke za svaki b.o. dan ležanja u bolnici 20 KM.

Članak 2. stavak 1. točka 48. Odluke

Kada se osigurano lice upućuje u Institute, zavode, bolnice za fizijatriju i medicinsku rehabilitaciju, kao nastavak započetog bolničkog liječenja plaća za svaki b.o. dan 10 KM, najviše 21 dan.

Pod nastavkom započetog bolničkog liječenja podrazumijeva se liječenje, odnosno rehabilitacija akutnog oboljenja i stanja započetog najkasnije 90 dana od dana otpusta iz stacionarne zdravstvene ustanove za akutnu hospitalizaciju.

Članak 2. stavak 1. točka 49. Odluke

Sva osigurana lica koja boluju od neke hronične bolesti ili stanja, kada budu upućena na liječenje u prirodna lječilišta, snose cjelokupne troškove liječenja i rehabilitacije.

Članak 2. stavak 1. točka 50. Odluke

Za liječenje u inostranstvu osigurana lica učestvuju sa 20% stvarnih troškova zdravstvene zaštite.

Primjena ove odredbe počet će donošenjem propisa o liječenju u inostranstvu od strane Federalnog ministra zdravstva (član 41. Zakona o zdravstvenom osiguranju).

Članak 2. stavak 1. točka 51. Odluke

Sva osigurana lica snose troškove zdravstvene zaštite u punom iznosu, a koji su posljedica trovanja alkoholom, odnosno akutnog pijanstva, stanja nastalog nakon upotrebe droge i drugih opojnih sredstava, te tuče.

Procjena stanja trovanja alkoholom, akutnog pijanstva, stanja nakon upotrebe droge i drugih opojnih sredstava, te tuče, procjenjuje liječnik

odgovarajuće grane medicine na temelju medicinske doktrine i lične odgovornosti.

Članak 3. stavak 1. točka 1; 2; 3; 4; 9; 12; 13; 14; 15; 17; 18; i 22. Odluke

Osigurano lice (uz navedene izuzetke) plaća neposredno učešće u navedenim tačkama u utvrđenom procentu, odnosno apsolutnom iznosu od utvrđene cijene standardnog pomagala.

Pod utvrđenom cijenom standardnog pomagala podrazumijeva se cijena iz Cjenovnika, koji je sastavni dio ugovora između Zavoda zdravstvenog osiguranja i pravnog, odnosno fizičkog lica, koje je ovlašteno da snabdijeva osigurana lica pomagalima.

Za standardna pomagala za koja nije utvrđena cijena, do okončanja tenderskog postupka za nabavku pomagala, pojedinačna cijena standardnog pomagala će se utvrđivati na temelju prosječne cijene najmanje tri ponuđača.

Članak 3. stavak 1. točke: 5; 6; 7; 8; 10; 11; 12; 16; 19;

20; 21; 23; i 24.

U navedenim tačkama (uz navedene izuzetke), osigurana lica ne plaćaju neposredno učešće, za navedena pomagala, čija je cijena prema cjenovniku standardnih pomagala ugovorena između Zavoda i dobavljača.

Ukoliko je nabavna cijena pomagala veća od utvrđene cijene između Zavoda i dobavljača pomagala, razliku snose sva osigurana lica, bez izuzetka.

Članak 3. stavak 1. točka 13. Odluke

Sva osigurana lica učestvuju u troškovima nabavke optičkih pomagala sa 50% učešća, osim intraokularnih leća koje se ugrađuju operativnim zahvatom, očnih proteza i healona po flakonu, po cijeni standardnog pomagala.

Cijene očnih pomagala podrazumijevaju nabavku okvira za naočale, odgovarajućeg stakla i montažu, a utvrđene su u cjenovnicima kao prilog ugovora između Zavoda zdravstvenog osiguranja Zeničko-dobojskog kantona i pravnih i fizičkih lica iz ove djelatnosti.

Članak 3. stavak 1. točka 14. Odluke

Osigurano lice učestvuje u troškovima nabavke aparata za pojačanje sluha sa 50%, s tim da Kantonalni zavod zdravstvenog osiguranja iz svojih sredstava svim osiguranim licima priznaje najviše 250 KM, a osiguranim licima koji ne plaćaju neposredno učešće priznaje najviše do cijene standardnog pomagala (npr. ako aparat za pojačanje sluha košta 600 KM, a cijena standardnog pomagala je 500 KM, onda osigurano lice koje nije oslobođeno neposrednog učešća plaća 350 KM, a 250 KM ide na teret Zavoda, a osigurano lice koje je oslobođeno neposrednog učešća plaća 100 KM, a 500 KM ide na teret Zavoda. Ako aparat za pojačanje sluha košta 400 KM, onda osigurano lice koje je oslobođeno neposrednog učešća ne plaća ništa, a svih 400 KM je na teret Zavoda, a osigurano lice koje plaća neposredno učešće plaća 150 KM, a 250 KM pada na teret Zavoda).

Članak 3. stavak 1. točka 15. Odluke

Osigurana lica učestvuju sa 50% u plaćanju aparata za omogućavanje glasnog govora računajući od cijene standardnog pomagala.

Članak 4. Odluke

Osigurana lica koja, na temelju odluke nadležne Komisije, koriste zdravstvenu zaštitu u zdravstvenim ustanovama izvan područja Kantona, a od kojih ta zdravstvena ustanova zahtijeva da sami nabavljaju pomagala, imaju pravo na refundaciju troškova ili dijela troškova te nabavke sukladno sa Odlukom, uz predložene originalnog računa za nabavku pomagala i odluke Komisije.

Članak 5. stavak 1. točka 1. Odluke

Sva osigurana lica učestvuju u troškovima zuboprotetskih radova za mobilnu protetiku sa 80% od utvrđene cijene, osim djece do navršanih 18 godina.

Članak 5. stavak 1. točka 4. Odluke

Sve stomatološke usluge primarnog nivoa, osigurana lica plaćaju u punom iznosu osim djece do navršanih 15 godina, redovnih učenika srednjih škola i redovnih studenata do navršanih 26 godina života i slučajeva iz članka 6. stavak 1. točka 6. Odluke.

Članak 5. stavak 1. točka 5. Odluke

Sva osigurana lica oslobođena su plaćanja stomatoloških usluga sekundarnog nivoa u vanbolničkom tretmanu, izuzev neposrednog učešća iz članka 2. točka 2. ove Odluke (prvi pregled kod liječnika specijaliste u konsultativno-specijalističkoj i sekundarnoj zdravstvenoj zaštiti).

II OSLOBADANJE OD NEPOSREDNOG UČEŠĆA U TROŠKOVIMA KORIŠTENJA ZDRAVSTVENE ZAŠTITE**Članak 6. stavak 1. točka 1. Odluke**

Vrstu i obim hitne medicinske pomoći kao i utvrđivanje potrebe za tom pomoći određuje liječnik pojedinac na temelju medicinske doktrine i svoje osobne odgovornosti.

Po prestanku hitne medicinske pomoći, lica kojima je ova pomoć pružena ostvaruju prava iz oblasti zdravstvene zaštite zavise od činjenice da li imaju ili nemaju svojstvo osiguranog lica.

Kao naročiti slučajevi u kojima osigurano lice ima pravo na korištenje hitne medicinske pomoći, smatraju se:

teže tjelesne povrede, besvjesno stanje, nagla srčana oboljenja, iznenadna spoljna i unutarnja krvarenja, razna gušenja (akutna astma, pneumotoraks, edem pluća, mehanička ugušenja i sl.), akutna trovanja, teži nervni i psihički poremećaji, porodaj i komplikacije u vezi sa porođajem, visoka temperatura, stanja konvulzija i dr.

Članak 6. stavak 1. točka 2. Odluke

Prilikom liječenja akutnih i hroničnih bolesti u slučajevima i stanjima kada ugrožavaju život, osigurana lica ne plaćaju neposredno učešće, s tim da slučajeve i stanja koja ugrožavaju život, te vrstu i obim liječenja određuje liječnik medicine odgovarajuće specijalnosti na temelju medicinske doktrine i osobne odgovornosti.

Članak 6. stavak 1. točka 3. Odluke

Liječenje zaraznih bolesti koja podliježu obaveznom prijavljivanju, uključujući i AIDS, podrazumijeva da lice koje ima opisano zarazno oboljenje neće učestvovati u troškovima korištenja zdravstvene zaštite koja se odnosi na takvo oboljenje, a u pogledu svakog drugog oboljenja i stanja podliježe neposrednom učešću u korištenju zdravstvene zaštite.

Članak 6. stavak 1. točka 4. Odluke

Zdravstvena zaštita žena u vezi sa trudnoćom, porođajem i materinstvom podrazumijeva da žene kod korištenja zdravstvene zaštite ne podliježu neposrednom učešću samo u navedenim slučajevima, a kod korištenja ostalih usluga zdravstvene zaštite, shodno odredbama Odluke, učestvuju u troškovima.

Članak 6. stavak 1. točka 5; 6; 7; 9; i 14. Odluke

Djeca do navršene 15 godine života, redovni učenici srednjih škola, redovni studenti do navršene 26 godine života, duševni bolesnici koji zbog prirode i stanja bolesti mogu da ugroze svoj život i život drugih lica ili oštete materijalna dobra, oboljeli od progresivnih neuro-mišićnih oboljenja, paraplegije, kvadruplegije, cerebralne paralize i multiple skleroze i epilepsije, te osigurana lica iznad 65 godina života, logoraši koji su status logoraša stekli certifikatom Međunarodnog Crvenog križa u Ženevi, ne učestvuju u troškovima korištenja zdravstvene zaštite (sem slučajeva iz članka 9. Odluke).

Članak 6. stavak 1. točka 8; 10; 11; 12. Odluke

Osigurano lice ne učestvuje u troškovima korištenja zdravstvene zaštite kod povreda na radu i profesionalnog oboljenja, liječenja nefropatije u terminalnoj fazi bolesti (hemodijaliza), transplantacije živog tkiva i organa u korist drugog lica (davatelj i primatelj), te liječenja malignih oboljenja i inzulinovisnog dijabetesa (sem u slučajevima iz članka 9. Odluke).

IV OSLOBADANJE OD NEPOSREDNOG UČEŠĆA U TROŠKOVIMA ZDRAVSTVENE ZAŠTITE PO DRUGIM OSNOVAMA**Članak 7. stavak 1. točka 2. Odluke**

Članakovi porodica šehida i poginulih branitelja i nestalih lica u ratu 1992. do 1995. godine, koji imaju legitimaciju nadležnog općinskog organa uprave, oslobođeni su od neposrednog učešća u troškovima

korištenja zdravstvene zaštite (sem u slučajevima iz članka 9. Odluke).

Članak 7. stavak 1. točka 5. Odluke

Ratni vojni invalidi, vojni invalidi sa procentom invalidnosti od 40% pa više i civilne žrtve rata sa procentom invalidnosti 60% pa više, oslobođeni su učešća u zdravstvenoj zaštiti, s tim da se od neposrednog učešća u troškovima zdravstvene zaštite oslobađaju i članovi porodica prijavljenih na zdravstveno osiguranje iz osnova nosioca osiguranja.

Članak 7. stavak 1. točka 7.

Uživaoci penzija i članovi njihovih porodica bez obzira na visinu penzije, oslobođeni su od neposrednog učešća korištenja zdravstvene zaštite iz članka 2. ove Odluke (sem slučajeva iz članka 9. Odluke).

V NAČIN OSTVARIVANJA PRAVA NA OSLOBADANJE OD NEPOSREDNOG UČEŠĆA U TROŠKOVIMA KORIŠTENJA ZDRAVSTVENE ZAŠTITE

Da bi osigurano lice ostvarilo pravo na oslobađanje od neposrednog učešća u troškovima korištenja zdravstvene zaštite, potrebno je:

a) da dokaže svojstvo osiguranog lica zdravstvenom legitimacijom i da dokaže svoj identitet,

b) da se u zavisnosti od toga koji vid zdravstvene zaštite koristi utvrde sljedeće činjenice:

1. pružanje hitne medicinske pomoći utvrđuje se iz nalaza ili druge odgovarajuće konstatacije doktora medicine, specijaliste odgovarajuće grane medicine koji je ukazao tu pomoć, iz kojih je vidljivo da je ista bila neophodna (član 6. stavak 1. točka 1. Odluke);
2. uvidom u godinu, mjesec i dan rođenja (u zdravstvenoj legitimaciji) utvrđuje se da se zdravstvena zaštita pruža djetetu do navršanih 15 godina života (član 6. stavak 1. točka 5. Odluke);
3. kada se zdravstvena zaštita pruža učenicama srednjih škola i studentima do navršanih 26 godina života, uvidom u zdravstvenu legitimaciju utvrditi da li je njena važnost produžena početkom školske godine (članak 6. stavak 1. točka 5. Odluke);
4. u slučajevima iz članka 6. stavak 1. tačke 2; 3; 4; 6; 7; 10; 11, i 12. Odluke utvrditi da li je priložen odgovarajući nalaz liječnika specijaliste određene grane medicine;
5. kad se zdravstvena zaštita pruža osiguranom licu u vezi sa povredom na radu i profesionalnim oboljenjem, potrebno je ostvariti uvid u prijavu o nesreći na poslu, odnosno prijavu o oboljenju od profesionalne bolesti (ova evidencija vodi se u Zavodu zdravstvenog osiguranja) i nalaz, odnosno konstataciju liječnika medicine, specijaliste odgovarajuće grane medicine koji je pružio

konkretnu medicinsku uslugu da se radi o korištenju zdravstvene zaštite u vezi sa povredom na radu ili profesionalnim oboljenjem, a priznata prijava o povredi na radu ili profesionalnom oboljenju se evidentira u zdravstvenoj knjižici (član 6. stavak 1. točka 8. Odluke);

6. kada se zdravstvena zaštita pruža osiguranim licima iznad 65 godina života ostvariti uvid u godinu, mjesec i dan rođenja (članak 6. stavak 1. točka 9. Odluke);
7. kod imunizacije utvrditi da li se ista smatra obaveznom po pozitivnim propisima (članak 6. stavak 1. točka 13. Odluke);
8. kada se zdravstvena zaštita pruža logorašima, potrebno je o stečenom statusu logoraša izvršiti uvid u certifikat Međunarodnog crvenog križa iz Ženeve, te klauzulu uvesti u zdravstvenu knjižicu (članak 6. stavak 1. točka 14. Odluke);
9. kada se zdravstvena zaštita pruža osiguranim licima koji primaju stalnu novčanu pomoć po propisima o socijalnoj zaštiti i licima smještenim u ustanovama socijalne zaštite potrebno je ostvariti uvid u odrezak zadnjeg čeka o isplati ove pomoći, odnosno u potvrdu da je lice smješteno u ustanovu socijalne zaštite izdatu od strane odgovarajuće ustanove socijalne zaštite (član 7. stavak 1. točka 1. Odluke);
10. kada se zdravstvena zaštita pruža članovima porodica šehida i poginulih branitelja i nestalih lica u ratu od 1992. do 1995. koji imaju legitimaciju nadležnog općinskog organa uprave, potrebno je ostvariti uvid u istu i o tome unijeti klauzulu u zdravstvenu knjižicu (članak 7. stavak 1. točka 2. Odluke);
11. kada se zdravstvena zaštita pruža demobilisanim borcima prijavljenim Zavodu za zapošljavanje i članovima njihove porodice navedenim u članku 20. Zakona o zdravstvenom osiguranju, potrebno je izvršiti uvid u prijavu na zdravstveno osiguranje ove populacije osiguranih lica i na zdravstvenoj knjižici osiguranog lica staviti klauzulu (član 7. stavak 1. točka 3. Odluke);
12. kada se zdravstvena zaštita pruža nezaposlenim i članovima njihove porodice, prijavljenih kod Zavoda za zapošljavanje, pravo na oslobađanje od neposrednog učešća u troškovima zdravstvene zaštite iz članka 2. ove Odluke, potrebno je izvršiti uvid u prijavu na osiguranje po ovom temelju (član 7. stavak 1. točka 4);
13. kada se zdravstvena zaštita pruža ratnim vojnim invalidima, vojnim invalidima i civilnim žrtvama rata, potrebno je ostvariti uvid u odgovarajuće rješenje nadležnog organa kojim je utvrđen invaliditet ili tjelesno oštećenje za ratne vojne invalide, vojne

invalidne od 40% pa najviše i civilne žrtve rata od 60% pa najviše i u zdravstvenoj knjižici osiguranog lica unijeti klauzulu (član 7. stavak 1. točka 5. Odluke);

14. kada se zdravstvena zaštita pruža vojnicima na odsluženju vojnog roka i članovima njihove porodice iz članka 20. Zakona o zdravstvenom osiguranju, pravo na oslobađanje od neposrednog učešća u korištenju zdravstvene zaštite ostvaruje se uvidom u odgovarajući dokument organa za narodnu odbranu (član 7. stavak 1. točka 6. Odluke);
15. kada se zdravstvena zaštita pruža uživaocima penzije i članovima njihove porodice, pravo na oslobađanje od neposrednog učešća u troškovima korištenja zdravstvene zaštite, ostvaruje se uvidom u odrezak čeka o isplati posljednje penzije (član 7. stavak 1. točka 7. Odluke); Svi uživatelji penzije i članovi njihove porodice oslobođeni su neposrednog učešća iz članka 2. i 3. Odluke, sem uživatelja penzije i članova njihovih porodica čiji mjesečni iznos penzije prelazi 200 KM, a koji su mlađi od 65 godina, života plaćaju neposredno učešće za ortopedska i druga pomagala i endoproteze;
16. kada se zdravstvena zaštita pruža licima nesposobnim za samostalan život i rad potrebno je izvršiti uvid u rješenje nadležnog organa (članak 7. stavak 1. točka 8. Odluke);
17. kada se zdravstvena zaštita pruža raseljenim licima potrebno je ostvariti uvid u dokumenat izdat od strane nadležnog organa u kome je utvrđeno svojstvo osiguranog lica po tom temelju i unijeti klauzulu u zdravstvenu knjižicu osiguranog lica (članak 7. stavak 1. točka 9. Odluke);
18. kada se zdravstvena zaštita pruža dobrovoljnim darivateljima krvi sa preko 10 darivanja, pravo na oslobađanje od neposrednog učešća u korištenju zdravstvene zaštite iz članka 2. ove Odluke, ostvaruje se uvidom u ispravu (legitimaciju) o dobrovoljnom darivanju krvi, izdatu od Crvenog križa ili Crvenog polumjeseca (član 7. stavak 1. točka 10. Odluke);
19. kada se zdravstvena zaštita pruža osiguranim slijepim licima, pravo na oslobađanje od neposrednog učešća u troškovima korištenja zdravstvene zaštite iz članka 2. ove Odluke ostvaruje se uvidom u specijalistički medicinski nalaz iz koga se vidi da se radi o slijepoj osobi koji se uvodi u zdravstvenu knjižicu, (članak 7. stavak 1. točka 11. Odluke);
20. kada se zdravstvena zaštita pruža invalidima rada sa procentom invalidnosti od 60% pa najviše potrebno je izvršiti uvid u rješenje o ocjeni radne sposobnosti (članak 7. stavak 1. točka 12. Odluke).

VI VIDOVI ZDRAVSTVENE ZAŠTITE ZA KOJE JE UTVRĐENO NEPOSREDNO UČEŠĆE U TROŠKOVIMA KORIŠTENJA ZA SVA OSIGURANA LICA (član 9. Odluke)

Sva osigurana lica, bez izuzetka, učestvuju u troškovima korištenja zdravstvene zaštite za slijedeće zdravstvene usluge:

- kućna posjeta liječnika opće prakse i specijaliste u općoj i porodičnoj medicini, po pozivu;
- pregled lekara specijaliste u konsultativno-specijalističkoj i sekundarno zdravstveno zaštiti, pregled liječnika subspecijaliste i konzilijarni liječnički pregled na zahtjev osiguranog lica, po pozivu;
- neobavezna vakcinacija;
- vještački prekid trudnoće iz nemedicinskih indikacija;
- akupunktura;
- hirurško-estetske korekcije, izuzev hirurških zahvata kojima se poboljšava funkcija pojedinih organa po prijedlogu konzilija određene specijalnosti;
- lijekovi sa Liste lijekova Kantonalnog zavoda zdravstvenog osiguranja;
- za majku pratilju uz djeteta starije od jedne godine dana, na zahtjev majke;
- liječenje u prirodnom liječilištu
- zdravstvene usluge liječenja od trovanja alkoholom, odnosno akutnog pijanstva, stanja nastalog nakon upotrebe droga i drugih opojnih sredstava, tuče;
- ortoze za trup (mideri i korzeti), osim za djecu do 18 godine, po cijeni standardnog pomagala
- optička pomagala, osim intraokularnih leća koje se ugrađuju operativnim zahvatom, očnih proteza i heatona po flakonu, po cijeni standardnog pomagala;
- pen aparati, po cijeni standardnog pomagala;
- plastične jednokratne šprice za davanje insulina;
- mobilna protetika - 80% od utvrđene cijene, osim djece do navršanih 18 godina;
- stomatološke usluge primarnog nivoa, osim djece do navršanih 15 godina, redovnih učenika srednjih škola i redovnih studenata do navršanih 26 godina života i slučajeva iz članka 6. stavak 1. točka 6. Odluke.

VII EVIDENTIRANJE UPLATE O NEPOSREDNOM UČEŠĆU OSIGURANIH LICA, IZVJEŠTAVANJE ZAVODA I KONTROLA NAPLATE

1. Osigurana lica uplaćuju neposredno učešće u troškovima korištenja zdravstvene zaštite u zdravstvenim ustanovama i drugim organizacijama.

2. Dokument na temelju koga se vodi evidencija je blok – priznanica.
Priznanicu popunjava i izdaje zdravstvena ustanova u svim slučajevima naplate sredstava neposrednog učešća osiguranih lica.
Priznanica se popunjava u dva primjerka. Jedan primjerak se daje osiguranom licu, a drugi ostaje u zdravstvenoj ustanovi kao blagajnički dokument.
Priznanica mora imati serijski broj i sadržavati sljedeće podatke:
- naziv zdravstvene ustanove, odnosno druge organizacije;
 - ime, prezime i JMBG osiguranog lica koje plaća neposredno učešće;
 - šifra zdravstvene usluge;
 - naziv zdravstvene usluge;
 - iznos naplaćene participacije iskazan brojkama i slovima;
 - mjesto i datum izdavanja;
 - potpis blagajnika;
 - pečat zdravstvene ustanove.
3. Za naplaćeno neposredno učešće za nabavku lijekova sa Liste lijekova na teret Zavoda zdravstvenog osiguranja zdravstvena ustanova (apoteka) ne izdaje priznanicu osiguranom licu.
Ukupno naplaćena participacija u apotekama iskazuje se prema broju realizovanih recepata sa Liste lijekova i iskazuje se u računima koje apoteka ispostavlja domovima zdravlja Zeničko-dobojskog kantona.
4. Naplaćeno neposredno učešće u drugim organizacijama (dobavljači ortopedskih i drugih pomagala i endoproteza) iskazuje se pojedinačno na obrascima "Potvrde o potrebi za ortopedskim pomagalicama", uz račune koje ove organizacije ispostavljaju Zavodu zdravstvenog osiguranja.
5. Zdravstvene ustanove i druge organizacije dužne su šestomjesečno Zavodu zdravstvenog osiguranja podnijeti izvještaj o izvršenoj

naplati neposrednog učešća osiguranih lica u troškovima korištenja zdravstvene zaštite.
Izvještaj o neposrednom učešću osiguranih lica sadrži sljedeće podatke:

- a) za domove zdravlja:
- lječarski pregledi opći;
 - lječarski pregledi specijalistički;
 - usluge laboratorije;
 - ostali oblici neposrednog učešća.
- b) Za bolnice:
- neposredno učešće za b.o. dane;
 - pregledi specijalista;
 - medicinske pretrage;
 - operacije i ostalo.

6. Zavod zdravstvenog osiguranja će osiguranom licu izvršiti refundaciju troškova medicinske pomoći za plaćene zdravstvene usluge u zdravstvenim ustanovama sa kojima nije zaključio ugovor, pod uslovom da je Komisija za odobravanje liječenja van područja Zeničko-dobojskog kantona donijela odluku o upućivanju osiguranih lica u tu ustanovu.

7. Zavod zdravstvenog osiguranja ima pravo da putem svojih stručnih službi ili na drugi način izvrši kontrolu naplate sredstava neposrednog učešća osiguranih lica u zdravstvenim ustanovama i drugim organizacijama.

VIII OSTALE ODREDBE

Danom stupanja na snagu ovog Uputstva prestaje da važi Uputstvo o primjeni odredaba Odluke o neposrednom učešću osiguranih lica u troškovima korištenja zdravstvene zaštite na teritoriji Zeničko-dobojskog kantona ("Službene novine Zeničko-dobojskog kantona" br. 13/02).

Uputstvo stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 11-37-1918-1/05

MINISTAR

Zenica, 26.05.2005.godine

Miloš Kuzmanović s.r.

OGLASNI DIO**OGLASNI DIO****OPĆINSKI SUD U ŽEPČU****Broj: P-8/05****Zenica, 19.05.2005.godine**

Općinski sud u Žepču u pravnoj stvari tužitelja Jozinović Vilima, sina Joze iz Glogarice, protiv tuženih Jozinović Mirko sin Marka iz Glogarice i drugih, a radi utvrđivanja prava vlasništva, v.s.2.000,00 KM rješenjem broj:P-8/05 od 19.05.2005. godine postavio je privremenog staroca na nekretninama koja se vodi po Gruntnovnici u ZK izvatku broj:ZK uložak 97 KO Glogarica na umrlim Jozinović Ivi, sinu Joze iz Glogarice; Jozinović Jozl, sinu pokojnog Marijana iz Glogarice; Nikolić Antl, sinu pokojnog Petra iz Glogarice; Lučić Ivici, sinu pokojnog Ante iz Glogarice; Jozinović Matl, sinu pokojnog Ante iz Glogarice u ličnosti advokata Šabić Ibrahima iz Zavidovića, a koji se istovremeno postavlja i za privremenog zastupnika eventualnim nasljednicima gore imenovanih ukoliko se isti pojave u toku postupka a čije je boravište nepoznato i nemaju punomoćnika u ovoj pravnoj stvari, a koji su u ovoj fazi postupka nepoznati.

Advokat Ibrahim Šabić iz Zavidovića kao privremeni staratelj i kao privremeni zastupnik, ima u postupku sva prava i dužnosti zakonskog zastupnika i obavljat će ih sve dok se eventualni nasljednici gore imenovanih ne pojave u toku postupka, odnosno dok organ starateljstva ne obavijesti sud da je postavio staratelja.

*Sudija**Vojka Prešić***OPĆINSKI SUD U ŽEPČU****Broj: P-38/05****Zenica, 19.05.2005.godine**

Općinski sud u Žepču u pravnoj stvari tužitelja Martinović Nike, sin Ante iz Radunice br. 91, protiv tuženih: Jukić Mare, žene Marka iz Radunice i drugih, a radi utvrđivanja prava vlasništva, v.s.10.000,00 KM rješenjem broj:P-38/05 od 19.05.2005. godine postavio je privremenog staratelja na nekretninama koje su po Gruntnovnici u ZK izvatku upisani u KO Glogarica na umrlim Martinović Ivi, pokojnog Peje iz Glogarice i Martinović Janji, pokojnog Ilje iz Glogarice, u ličnosti advokata Vidović Ilje iz Žepča a koji se istovremeno postavlja i za privremenog zastupnika eventualnim nasljednicima gore imenovanih ukoliko se isti pojave u toku postupka a čije je boravište nepoznato i nemaju punomoćnika u ovoj pravnoj stvari, a koji su u ovoj fazi postupka nepoznati.

Advokat Ilja Vidović iz Žepča kao privremeni staratelj i kao privremeni zastupnik ima u postupku sva prava i dužnosti zakonskog zastupnika i obavljat će ih sve dok se eventualni nasljednici gore imenovanih ne

pojave u toku postupka, odnosno dok organ starateljstva ne obavijesti sud da je postavio staratelja.

*Sudija**Vojka Prešić***OPĆINSKI SUD U ZAVIDOVIĆIMA****Broj: P-95/04****Zenica, 20.05.2005.godine**

Općinski sud u Zavidovićima, sudija Kurtić Maida, u pravnoj stvari tužiteljice Širbegović, rođene Karahusić, Semije, kći Huseina, iz Maglaja, 11. ulica, protiv tuženih Karahusić Zelkide, Karahusić Vedada, Karahusić Huseina, Karahusić Muhidina, Mehinagić Ermine, Karahusić Selima, Karahusić Ekrema, Karahusić Damira, Karahusić Elvire, Karahusić Amira, Mehinagić Muhameda, Mehinagić Izeta, Lokmić Izete, Mehinagić Rešada, Karahusić Zijada, Karahusić Fuada, Husanović Jasminke i Burić Zijade, svi iz Maglaja, radi utvrđivanja prava vlasništva na nekretninama, v.s.1000,00 KM, donio je dana 20.05.2005. godine, van ročišta, sljedeći:

OGLAS

Rješenjem ovog suda broj P.95/04 od 20.05.2005. godine, na temelju članka 296 st.2 točka 4 ZPP FBiH, postavljen je tuženom Karahusić Ekremu, sada nepoznatog boravišta, privremeni zastupnik Karahusić Selim, sin Huseina, iz Maglaja, Ulica Fikreta Dedića, jer je boravište tuženog nepoznato, a postupak oko postavljenja zakonskog zastupka trajao bi dugo, tako da bi mogle nastati štetne posljedice za tužiteljicu.

Privremeni zastupnik zastupat će tuženog Karahusić Ekrema sve dok se on ili njegov punomoćnik ne pojave pred sudom, odnosno dok organ starateljstva ne obavijesti sud da je postavio staratelja.

*Sudija**Kurtić Maida***OPĆINSKI SUD U ŽEPČU****Broj: P-34/05****Zenica, 14.06.2005.godine****OGLAS**

Općinski sud u Žepču u pravnoj stvari tužitelja Josipa Križanac, sin Joze iz Ljubatovića, a radi priznavanja prava vlasništva, v.s. 1.200,00 rješenjem broj:P-34/05 od 14.06.2005. godine postavio je privremenog zastupnika u ličnosti advokata Ilje Vidovića iz Žepča i to: četvrtotuzenom Boroz Ivi, sinu Šime iz Ljubatovića, petotuzenom Boroz, udata Jukić, Mara iz Ljubatovića, šestotuzenom Boroz Marijan, sedmotuzenom Boroz Marko, osmotuzenom Boroz Jozo,

sin Šime iz Ljubatovića, devetotruženom Boroz Mato, sin Šime iz Ljubatovića, a čije je boravište nepoznato i nemaju punomoćnika u ovoj pravnoj stvari.

Advokat Ilija Vidović iz Žepča, kao privremeni zastupnik, ima u postupku sva prava i dužnosti zakonskog zastupnika i obavljat će ih sve dok organ starateljstva ne obavijesti sud da je postavio staraoca.

Sudija
Vojka Prešić

Upis u sudski registar

Kantonalni sud Zenica rješenjem broj:U/-334/05 od 04.05.2005. godine, upisani su u sudski registar ovog suda sljedeći podaci:

Odluka Bosne i Hercegovine, Federacija Bosne i Hercegovine, Zeničko-dobojski kanton, Ministarstvo obrazovanja, broj:02-38-14128 od 01.07.2004. godine, o prestanku rada Osnovne škole «Peti bataljon» Careva Čuprija Olovo, koja se briše iz sudskog registra Rješenjem Kantonalnog suda u Zenici broj: U/1-334/05 od 04.05.2005. godine, upisana na registarskom ulošku br. 2-128, zbog pripajanja Javnoj ustanovi Osnovnoj školi «Hasan Kikić» Solun, koja je upisana na registarskom ulošku br.2-129.

Sudija
Zvezdana Antonović

Kantonalni sud Zenica rješenjem broj:U/-830/05 od 11.05.2005. godine, upisani su u sudski registar ovog suda sljedeći podaci:

Javna ustanova Osnovna škola «Enver Čolaković» Janjčić, Zenica, Zaključkom Vlade Zeničko-dobojskog kantona br.02-34-1472/05 od 17.01.2005. godine, vrši promjenu lica ovlaštenih za zastupanje Javne ustanove «Enver Čolaković» Janjčić Zenica, tako da će Javnu ustanovu zastupati Nuhlić (Mujo) Tahir, iz Zenice, Ul. Sarajevska br. 164 A, ravnatelj Javne ustanove, bez ograničenja ovlaštenja, a prestaju ovlaštenja dosadašnjem v.d. ravnatelju Baručija Hazimu da zastupa Javnu ustanovu.

Sudija
Zvezdana Antonović

Kantonalni sud Zenica rješenjem broj:U/-281/05 od 25.02.2005. godine, upisani su u sudski registar ovog suda sljedeći podaci:

Javna ustanova Osnovna škola «Edhem Mulabdić» Zenica, sa sjedištem u Zenici, Londža broj 99, F/BiH, Zeničko-dobojski kanton, općina Zenica, broj:320-1/04 od 30.12.2004. godine, na temelju članka 122. Pravila škole i članka 81., Pravilnika o radu škole donosi Rješenje o prestanku radnog odnosa Taslaman Hasanu, koji je radio na poslovima i zadacima ravnatelja Škole. Odlukom o imenovanju ravnatelja Selmanović Nermine, zaključkom Vlade Zeničko-dobojskog kantona br.02-34-1471/05 od

17.01.2005. godine, daje se suglasnost da se Nermine Selmanović, nastavnik matematike, imenuje na dužnosti ravnatelja OŠ «Edhem Mulabdić» Zenica, iz Zenice, Ul. i zeničke brigade 13c, 1504953172668; l.k.br.04CTC7488, ravnatelj, bez ograničenja ovlaštenja u okviru registrovane djelatnosti, sukladno sa Zakonom i aktima Javne ustanove.

Sudija
Zvezdana Antonović

Kantonalni sud Zenica rješenjem broj:U/-352/05 od 08.03.2005. godine, upisani su u sudski registar ovog suda sljedeći podaci:

1. Javna ustanova «Srednja stručna škola» Zavidovići izvršila je promjenu lica ovlaštenog za zastupanje.
- Polić Fuad, sin Uzeira, ravnatelj društva bez ograničenja ovlaštenja u okviru registrirane djelatnosti.
- Prestaje ovlaštenje za zastupanje licu
- Palalića Murat, raniji ravnatelj.

Sudija
Zvezdana Antonović

Kantonalni sud Zenica rješenjem broj:U/-886/05 od 18.05.2005. godine, upisani su u sudski registar ovog suda sljedeći podaci:

Osnivači subjekta upisa i udjeli:

- 1) Zeničko-dobojski kanton, Zenica, _ _ _ udio osnivača: -, -, broj i datum akta: Odluka o preuzimanju prava i obaveza osnivača nad srednjim školama br.01-3415698/04 od 29.07.2004. godine.

Puni naziv subjekta upisa: Srednja mješovita škola «Žepče» Žepče.

Sjedište subjekta upisa: Žepče, Zagrebačka br. 2.

Oblik subjekta upisa: Javna ustanova

Osnivači subjekta upisa i udjeli:

- 1) Zeničko-dobojski kanton, Zenica, _ _ _ udio osnivača: -, -, broj i datum akta: Odluka o preuzimanju prava i obaveza osnivača nad srednjim školama br.01-3415698/04 od 29.07.2004. godine.

Djelatnosti u unutarnjem poslovanju:

80.210, opće srednjoškolsko obrazovanje, 80.220 tehničko i stručno srednjoškolsko obrazovanje.

80.410 vozačke škole, 80.422 obrazovanje odraslih, d.n..

Obrazovanje redovnih i vanrednih učenika sukladno sa odgovarajućim nastavnim planovima i programima škola i to:

Gimnazija

- Opća gimnazija

Ekonomska škola

- stručno zvanje: ekonomski tehničar

Tekstilna tehnička škola

- stručno zvanje: tekstilni tehničar konfekcionar

Šumarska tehnička škola

- stručno zvanje: šumarski tehničar
- Prometna tehnička škola
- stručno zvanje: tehničar cestovnog prometa
- Ugostiteljsko-turistička škola
- stručno zvanje: hotelijersko-turistički tehničar
- Trgovinska stručna škola
- zanimanje: prodavač
- Ugostiteljsko-turistička stručna škola
- zanimanje: konobar, kuhar
- Mašinska/Strojarska stručna škola
- zanimanje: automehaničar,
- automehaničar-inštalater grijanja i
- klimatizacije, plinski i vodoinštalater
- Prometna stručna škola
- zanimanje: autoelektričar
- Stručna škola uslužnih djelatnosti
- zanimanje: frizer-vlasuljar
- Saobraćajna stručna škola
- zanimanje: vozač motornih vozila

Za obuku učenika za zanimanje vozač motornih vozila formirat će se Autoškola.

Osobe ovlaštene za zastupanje u pravnom prometu u zemlji i vanjskotrgovinskom poslovanju:

1. Maličbegović (Hazim) Zijah –
JMBG:3004954194279, Žepče, Omladinska br.
15, ravnatelj bez ograničenja ovlaštenja u
okviru registrovane djelatnosti.

Osobe ovlaštene za zastupanje subjekta upisa u vanjskotrgovinskom poslovanju.

Sudija

Zijezdana Antonović

Kantonalni sud Zenica rješenjem broj:U/-887/05 od 18.05.2005. godine, upisani su u sudski registar ovog suda slijedeći podaci:

Upis brisanja iz sudskog registra Srednje škole «Žepče», Ul.Omladinsko naselje, upisane na reg.ul 2-247, zbog organizovanja u JU Srednja mješovita škola «Žepče» u Žepču Ul Zagrebačka br. 2. (Odluka Ministarstva obrazovanja ZE-DO kanton br.10-38-289-2/03 od 07.07.2003. godine, upisane na reg.Ul.2.301.

Sudija

Zijezdana Antonović

Kantonalni sud Zenica rješenjem broj:U/-888/05 od 18.05.2005. godine, upisani su u sudski registar ovog suda slijedeći podaci:

Upis brisanja iz sudskog registra Mješovite srednje škole Žepče, upisane na reg.ul.2-24, zbog organiziranja u Javnu ustanovu Srednja mješovita škola Žepče upisane na reg.ul.2-301 (Odluka Ministarstva obrazovanja ZE-DO kanton br.10-38-289-2/03 od 07.07.2003. godine.

Sudija

Zijezdana Antonović

SADRŽAJ**SKUPŠTINA**

169. Zakon o izmjenama i dopunama Zakona o Vladi Zeničko-dobojskog kantona	315
170. Odluka o pravu Vlade Zeničko-dobojskog kantona da odlučuje o pojedinačnim zahtjevima korisnika kredita za privredni razvoj i zapošljavanje dodijeljenih iz sredstava ostvarenih prodajom poduzeća na području Zeničko-dobojskog kantona u pogledu produženja roka otplate kredita	316
171. Odluka o prestanku važenja Odluke o dodjeli stambenih kredita	317
172. Odluka o prestanku važenja Odluke o korištenju novčanih sredstava ostvarenih od povrata sredstava plasiranih u vidu kredita iz sredstava ostvarenih prodajom državnog kapitala na području Zeničko-dobojskog kantona	317
173. Odluka o prestanku važenja Odluke o kreditiranju privrednog razvoja i zapošljavanja	317
174. Odluka o osnivanju Osnovne škole «Arnauti» u Arnautima	317
175. Ponovni oglas za imenovanje jednog članka Nezavisnog odbora za izbor i reviziju iz reda građana	318

VLADA

176. Odluka o visini naknada predsjednicima i članovima upravnih odbora kantonalnih zdravstvenih ustanova i Kantonalnog zavoda zdravstvenog osiguranja	319
177. Odluka broj:02-18-15639	320
178. Odluka o preraspodjeli sredstava u Budžetu Zeničko-dobojskog kantona za 2005. godinu	320
179. Odluka o odobravanju sredstava za nabavku robnih paketa	321
180. Odluka broj:02-25-17310	321
181. Odluka broj:02-17-17216	322
182. Rješenje o privremenom nominiranju za predsjednika i članova Nadzornog odbora dioničkog društva «NATRON» d.d. Maglaj	322
183. Rješenje o konačnom imenovanju članova Školskog odbora JU Đački dom Zenica	323
184. Rješenje o privremenom nominiranju za predsjednika i članova Nadzornog odbora dioničkog društva «UNICO FILTER» d.d. Tešanj	323
185. Rješenje o izmjeni Rješenja o konačnom imenovanju članova Školskog odbora Osnovne škole «Abdulvehab Ihamija», Željezno Polje, Žepče	323

MINISTARSTVO ZA PRAVOSUĐE I UPRAVU

186. Pravilnik o izgledu i nošenju službene odore u pravosuđu na području Zeničko-dobojskog kantona	324
187. Pravilnik o naknadi troškova u parničnom postupku	324
188. Program provođenja pripravničkog staža u pravosudnim organima Zeničko-dobojskog kantona	327
189. Dopunska lista postavljenih stalnih sudskih vještaka za područje Zeničko-dobojskog kantona	328

MINISTARSTVO ZA OBRAZOVANJE, NAUKU, KULTURU I SPORT

190. Pravilnik o sastavu i radu komisije matičara	328
---	-----

MINISTARSTVO ZDRAVSTVA

191. Uputstvo o primjeni Odluke o neposrednom učešću osiguranih lica u troškovima korištenja zdravstvene zaštite	330
--	-----

OGLASNI DIO

Izdavač: Zeničko-dobojski kanton, ul. Kućukovići br. 2, Zenica.
 v.d. glavni i odgovorni urednik: Željka Marković - Sekulić. Telefon: (032) 415 286;
 Redakcija i pretpiata (032) 407 424; Štampa: "Dom štampe" d.d., Zenica